

Beḱpààtìbè tǝmmú pátíri ketirì Di mpátíri tǝ tìi náàntì

Beḱpààtìbè tǝmmú pátíri ketirì nè didèrì yè wèṭe ke kònté tìi nàké tinti Sammuyeyeri pátíri ketirì nè didèrì ye miēke nè beḱpààtìbè pátíri diketirì nè didèrì ye miēke. Beḱpààtìbè tǝmmú páte yedé miēke ke né nàké kè dè ntukúnè Isidayeyeribe nè Kuyie mbe kó metaummè.

De kó yepáte yèè ti benkú ke dò mbá nè meyei mmèè do Isidayeyeri kó dikpààtiyuu nè Sudaa kperi, Kuyie nyí yè ndinùù kù do bè dǝúnnè dì, ke dǝori kù bo yímè ké bè dǝeté bembè ku nìtìbè bèè bo Sudaa tenké. De kó kuce kuù tu Dafiti nè Sadomǝ nè Sosafati nè Esekiasi nè Sosiasi nè beṭǝbè beṭǝbè bèè do dǝori Kuyie ndómè. Be kó medǝòrimè mèè benkú Kuyie nkuù dómè kédǝò kù do dǝúnnè dìi nùù ku nìtìbè

Dìi pátíri ti benkú Kuyie nkuó tǝmmú ketémè ku cǝṭètè nè bè kǝnnemè ikuó nìùbè nè Defibè. De kó dipátíri dìi ti náá nDafiti weè do yàmè bè dòmmè kémaá Kuyie ncǝṭètè, weè dǝú nyikuó tǝmmú. Kè Sadomǝ weè né maá Kuyie ncǝṭètè.

Di mpátíri náàntì duó ke dòmmè

1. Isidayeyeribe kó iwuǝ 1-9
2. Sauri kó mukũũ 10
3. Dafiti kó tikpàtì 11-29

**ISIDAYEERIBE KÓ IWUǝ NDUǝ KE
DÒMMÈ**

Adammu kèntò kètuòkenè Esayuu kó iyaàbí

¹ Adammu weè do peité Seti kè Setii peité Enəsi. ² Kè Enəsii peité Kenaa, kè Kenaa peité Matadeyeedi, kè Matadeyeedii peité Yederi. ³ Kè Yederii peité Enòki, kè Enòkii peité Matusademmu, kè Matusademmuu peité Demeki, ⁴ kè Demekii peité Nòwee kè Nòwee peité ibí ìtããti: Semmu nè Kammu nè Safeti.

⁵ Kè Safetii peité Komεε nè Makòku nè Madaii nè Safãã nè Tubaadi nè Meseki nè Tidaasi. ⁶ Kè Komεε peité Asekenaaasi nè Difati nè Tokadima. ⁷ Kè Safãã peité Edisaa nè Tadisaa nè Kitimmu nè Dodanimmu.

⁸ Kè Kammu peité Kuusi nè Misidaimmu nè Puti nè Kannahãã. ⁹ Kè Kuusi peité Sebaa nè Afidaa nè Sabuta nè Dakima nè Sabutekaa. Kè Dakima kó ibí ntú: Saba nè Dedanni. ¹⁰ Kè Kuusi yí kèpeité Nemudodi, weè do tú okpàrìteu ketiwè kètenkè ìnkè. ¹¹ Misidaimmu, weè do tú Dudimmu kòbe nè Anamimmu kòbe nè Deabu kòbe nè Nafutuyimmu kòbe, be yààrì. ¹² Patidoosi nè Kasiduimmu nè Kafutòò, beè do tú Fidisitèèbe yààrìbè. ¹³ Kè Kannahãã peité o kóo po Posidonna nè Eti. ¹⁴ Kannahãã weè do tú Sebusiibe nè Amòriibe nè Kidikasiibe ¹⁵ nè Efiibe nè Adikiibe nè Sidoniibe, ¹⁶ nè Adifadiibe nè Semadiibe nè Amatiibe be yààrì.

¹⁷ Kè Semmu kó ibí ntú Edammu nè Asuu nè Adipakisadi nè Dudi nè Aramu nè Uusi nè Udi nè Ketεε nè Meseki. ¹⁸ Kè Adipakisadii peité Sedaa, kè Sedaa peité Ebeε. ¹⁹ Kè Ebeε peité ibí idèi. O kóo po yètìrì do tú Mèyatimè. Nè be kó tináàntì Pedeki, ke yé de kó dimònni ndi benitibè yàtemè. Kòo nantè yètìrì ntú Yokitanni. ²⁰ Kè Yokitannii peité Adimòdadi nè Sedεfu nè Asadimafeti nè Yedaki, ²¹ nè Adodammu nè Usadi nè Diida, ²² nè Ebaadi

nè Abimmayeedi nè Sebaa, ²³ nè Ofidi nè Afidaa nè Yobabu. Yokitanni bí nyi memme.

²⁴ Kè Semmuu peité Adipakisadi, kè Adipakisadii peité Seda. ²⁵ Kè Sedaa peité Ebeedi, kè Ebeedii peité Pedeki, kè Pedekii peité Deu. ²⁶ Kè Deuu peité Seduku, kè Sedukuu peité Naṓṓ, kè Naṓṓ peité Teda, ²⁷ kè Teda peité Abarammu. Kè dè mboní kè Kuyie nhò yu ke dṓ Abarahammu.

²⁸ Kè Abarahammu peité Isaki nè Isimayeri. ²⁹ Nte Abarahammu yaàbí yètè. Kè Isimayeri peité Nebayoti o kóo po, nè Kedaa nè Adeberi nè Mibisammu, ³⁰ nè Misemaa nè Duma nè Masa nè Adadi nè Tema, ³¹ nè Yetudi nè Nafisi nè Kedimaa. Isimayeri bí nyi memme.

³² Kè Ketudaa, Abarahammu do yìe kètúóté wèè nitipòkù kòo ò peité Simidanni nè Yokisanni nè Medanni nè Mandiyãã nè Isebaki nè Suaa. Kè Yokisannii peité Sebaa nè Dedanni. ³³ Kè Mandiyãã peité Efaa nè Efee nè Enṓki nè Abidaa nè Edidaa, Ketudaa bí nyi nè o yaàbí.

³⁴ Kè Abarahammu bire Isakii peité Esayuu nè Isidayeri. ³⁵ Kè Esayuu peité Edifasi nè Deuyeedi nè Yeusi nè Yaedammu nè Kodaa, ³⁶ kè Edifasii peité Tema nè Omaadi nè Sefi nè Katammu nè Kenasi nè Timuna nè Amadeki. ³⁷ Kè Deuyeedii peité Naati nè Seda nè Samaa nè Misaa. ³⁸ Kè Seii kó ibí ntú: Dotanni nè Sobadi nè Sibeṓṓ nè Ana nè Disṓṓ nè Esee nè Disãã. ³⁹ Kè Dotãã peité Jdi nè Omammu. Kè Dotãã tãũ yètìrì ntú Timuna, ⁴⁰ kè Sobadi peité Adiyanni Manati nè Ebaadi Sefi nè Onammu kè Sibeṓṓ peité Aya nè Ana. ⁴¹ Kè Ana peité Disṓṓ.

Kè Disõõ peité Amidanni nè Esibanni nè Itidanni nè Kedanni. ⁴² Kè Esee peité Bideanni nè Safãã nè Yakãã, kè Disãã peité Usi nè Adanni.

*Edõmmu èi kó bekpààtìbè
(Wénté Tenketé 36:31-43)*

⁴³⁻⁵⁰ Nte bekpààtìbè bèè do di tikpàti Edõmmu èi kéféi mbetòbè kè Isidayeeri mu nyí màke okpààti. Dinabaa èi kou Beõõ biré Bedaa weè do baké Edõmmu kékú kè Bosedaa èi kou Sedaa biré Yobabuu còuté tikpàti, kékú, kè Temanni èi kou Usammu túóté tikpàti, kékú kè Afiti èi kou Bedadi biré Adadii di tikpàti, weè do dokénè Mandiyãã èi kòbe Mòabu èi, ké bè na. Ò ku dìi m̀nni kè Masedekaa èi kou Sammudaa di tikpàti kékú. Kè Sauri wèè do bo Deoboti èi kó kukó mborè kòo di tikpàti. Ò ku dìi m̀nni kè Akibõõ biré Baadi-Ananni sòté tikpàti. Ò ku dìi m̀nni kè Pauu èi kou Adadi còuté tikpàti kèmpo Masabu biré Matededi kó debire Metebeiedi.

⁵¹ Okpààti Adadii ku dìi m̀nni kè Edõmmu naàmùnkù kó bekótìbè beè mbaké. Nte be yètè: Timuna nè Adifa nè Yeteti ⁵² nè Odibamaa nè Edaa nè Pinõõ ⁵³ nè Kenasi nè Temaã nè Mibisaa ⁵⁴ nè Makidiyedi nè Idammu beè do tú Edõmmu naàmùnti kó bekótìbè ke baké.

2

Sakõbu biré Sudaa yaàbí

¹ Nte Sakõbu bè do yu wè ke tú Isidayeeri o bí yètè: Dubenni nè Simmeõõ nè Defi nè Sudaa nè Isakaa nè Sabunõõ, ² nè Danni nè Sosefu nè Bensamee nè Nefutadii nè Kati nè Asee.

³ Kè Sudaa puoke Kannahãã èi kóo sapàà Suaa, kòo ò peité initidabí itããti: Ee nè Onanni nè Seda. Eɔi weè do tú Mpo, kédòò ti Yiè nKuyie nyí dó dè kè kùu ò kùò. ⁴ Kè dè mboní kè Sudaa kóo dapàà mpokù Tamaa ò peité initidabí tèi ìdèì, kè bè mbè yu ke tú Pedesi nè Seda. O bí imòu kè ìi wènné kèmbò initidabí inùmmù. ⁵ Kè Pedesi kó ibí ntú Etisidonnii nè Amudi. ⁶ Kè Seda peité Simudi nè Etanni nè Emanni nè Kadikòodi nè Dada kè bè mbo initidabí inùmmù. ⁷ Kè Kadimii peité Akaa* weè do te kè Kuyie mmiεεε do Isidayεεriβε, ke yé ò do sɔnnemè Kuyie nyē mbè báá túóté dè kέtieke. ⁸ Kè Etannii peité Asadia, ⁹ kè Etisidonnii peité Yedameyεedi nè Dammu nè Kadebu, kòo yètìrì tèrì ntú Kedubaii.

¹⁰ Kè Dammuu peité Amminnadabu kè Amminnadabuu peité Nasõõ weè do tú Sudaa naàmùnkù kóo kòtì. ¹¹ Kè Nasõõ peité Sadima kè Sadimaa peité Boasi, ¹² kè Boasii peité Obedi, kè Obedii peité Seseε, ¹³ kè Seseε peité ibí iyiekè. Kòo kóo po ntú Ediabu kòo nante Abinnadabu kè Aminnadabuu nante Simmea, ¹⁴ kè Samaa nante Netannεyεedi, kè Netannεyεedii nante Dadaii. ¹⁵ Kòò me ntó nante Osemmu, kòo nante Dafiti, ¹⁶ kè be tãbè ntú Seduya nè Abikayεedi, kè Seduyaa peité Abikaii nè Soabu nè Asayεedi kè bèε wènné bètããti. ¹⁷ Kè Abikayεedii peité denitidabire kè bèε dè yu ke dò Amasa o cice do tú Yetεε Isimayεeri wuò kou.

¹⁸ Kè Esidonni bire Kadebu pokù Asuba peité ibí inàà kè denitipobire yètìrì ntú Yediyoti nè initidabí itããti Yesεε nè Sobabu nè Adidonni. ¹⁹ Asuba ku dìi

2:4 +Tamaa: Wénté Tenketé 38. * **2:7** Akaa: Sosuwee páfiri miεke bè we nyu ke tú Akãã.

mònnì kè Kadèbuu puoke Efadati kè Efadatii peité Uuri. ²⁰ Kè Uuri peité Udi kè Udii peité Besadedi.

²¹ Etisidonni màke d̀̀i m̀̀nnì yebie nsip̀̀s̀̀ikuò, k̀̀epuoke Kadaadi cice Makidi k̀̀oo sap̀̀à nk̀̀o ò peité Sekubu. ²² Kè Sekubuu peité Yaii weè do tieke yehèkè sip̀̀s̀̀idè nè ỳ̀t̀̀ã̀ti Kadaadi temp̀̀e mmièke. ²³ Kesuu èi nè Adamu èi kè ye kp̀̀à̀t̀̀ìb̀̀èe fietè Yaii k̀̀etieke yehèkè nè Kenati eidiè, nè yehèkè ỳ̀è ỳ̀è t̀̀k̀ènè yemou kè ỳ̀è ẁ̀ennè yehèkè sip̀̀s̀̀ikuò. Bèè do bo ye mièke bemou bè do tú Kadaadi cice Makiidi yaàbí nyi. ²⁴ Etisidonni weè do po Abiya k̀̀ékú kè Kadèbuu duónè o pokù t̀̀ou Efadata k̀̀oo ò peité denitidabire, kè bèe d̀̀è yu ke d̀̀ò Asuu, weè do keté Tekoa èi.

²⁵ Kè Etisidonni k̀̀oo po Yedameyèedi pié ibí péu kè Dammu ntú o k̀̀oo po k̀̀énante Buna, kè Buna nante Odeni, kè Odenii nante Osemmu, kè Osemmu nante Aiya. ²⁶ Kè Yedameyèedi puoke onitipòkù t̀̀ou Atada k̀̀oo ò peité Onammu. ²⁷ Kè Yedameyèedi k̀̀oo po peité Masasi nè Yaminni nè Ekèe. ²⁸ Kè Onammuu peité Sammai nè Yada. Kè Sammai peité Nadabu nè Abisuu. ²⁹ Kè Abisuu puoke Abiyaii k̀̀oo ò peité Abanni nè M̀̀didì. ³⁰ Kè Nadabuu peité Sededi nè Apayimmu, kè Sededii kú bá ò í m̀̀ò̀te debire. ³¹ Kè Apayimmuu peité Iseii, kè Iseii peité Sesãã, kè Sesãã peité Adaii. ³² Kè Sammai nantè Yada peité Yetee nè Sonnatãã, kè Yetee kú bá ò í m̀̀ò̀te debire. ³³ Kè Sonnatãã peité Pedeti nè Sasa. Yedameyèedi yaàbí nyi memme.

³⁴ Sesãã í mpeité initidabí, k̀̀epéité initipobí màà, k̀̀emmàke o t̀̀õnti Esibiti èi kou m̀̀ou kè bè ò yu ke tú Yada, ³⁵ k̀̀oo ò duó nho k̀̀oo sap̀̀à mm̀̀ou k̀̀oo ò

puoke kòo peité denitidabire, kè bèe dè yu ke dò Ataii. ³⁶ Kè Ataii peité Natāā, kè Natāā peité Sabadi. ³⁷ Kè Sabadi peité Efudadi, kè Efudadii peité Obedi. ³⁸ Kè Obedii peité Yeu, kè Yeuu peité Asadia. ³⁹ Kè Asadia peité Edesi, kè Edesii peité Edasaa. ⁴⁰ Kè Edasaa peité Sisimaii, kè Sisimaii peité Sadummu. ⁴¹ Kè Sadummu peité Yekammia, kè Yekammia peité Edisamaa.

⁴² Kè Kadebu peité o kóo po Mesa kòo nante Yedameyedi, kè Mesaa peité Sifi nè Madesa, kè Madesaa peité Ebunṵ. ⁴³ Kè Ebunṵ peité Kodaa nè Tapua nè Dekemmu nè Sema. ⁴⁴ Kè Sema peité Daammu, kè Daammuu peité Yodikoammu, kè Dekemmu peité Sammai. ⁴⁵ Kè Sammai peité Maṵṵ, kè Maṵṵ peité Beti-Sudi. ⁴⁶ Kè Kadebu puoke onitipòkù tṵ kè bè ò yu ke tú Efaa, kòo ò peité Anaa nè Mōsa nè Kasesi. Kè Adaa peité denitidabire ké dè yu ke dò Kasesi. ⁴⁷ Kè Yadaii peité Dekemmu nè Yotammu nè Kesāā nè Pedeti nè Efaa nè Saafu. ⁴⁸ Kè Kadebu yí kèpuoke onitipòkù tṵ, kòo yètìrì tu Maaka, kòo peité Sebēe nè Tidana. ⁴⁹ Kè dè m boní kòo yí kèpeité Saafu, kè Safuu peité Madimana nè Sefaa, kè Sefaa peité Makibena, kè Makibena peité Kibea. Be kó di fñnkúò kè Kadebu yí kèpeité denitipobire ké dè yu ke dò Akisaa.

⁵⁰ Nte Kadebu yaàbí kó yeyètè: O pokù Efadata kóo po do tú Uuri, kòo nante Sobadi, weè do keté Kidiya-Yeadimmu kó diheì, be yṵfũḍ bè do bo bètāāti ndi. ⁵¹ Sadima weè do keté Betideemmu èì. Kè Adefuu keté Beti Kedee èì. ⁵² Kè Sobadii keté Kidiya-Yeadimmu èì. Kè Sobadi yaàbí mbo Adowee nè Menuoti kṵbe èì kó dikèè. ⁵³ Bèè kó tinaàmuntì do

tú Iditiibe nè Putibe nè Sumatiibe nè Misedaiibe bèè do bo Sodaa èi nè Esitaadi kperi ye mieke.

⁵⁴ Sadima yaabí do tú Betideemmu èi kabe nè Netofaa èi kabe nè Adidoti-Beti-Yoabu èi kabe nè Manaati èi kabe kó dikèè nè Sodaa èi kabe, ⁵⁵ kényínè bèè yé yepáte be kó tinaàmùntì. Bèè do tú Yabesi èi kabe bèè do tú Tidatiibe nè Simatiibe nè Sukatiibe nè bè tu bè Keniibe Amati kó kuwuò nkabe, beé pié Dekabiibe.

3

Dafiti bí kó yeyètè

¹ Nte Dafiti kó initidabí ò peité ì Ebunoo i kó yeyètè: Amunoo weè do tú Mpo, kòo yõ tú Ainooammu Sisedeedi èi kou. Kòo déri ntú Danniyeedi, kòo yõ tú Abikayeedi, Kadimeedi èi kou. ² Kòo tãánwè ntú Abusadõmmu Kesuu èi kóo kpààti Tadimaii kóo sapàà Maaka ò peité wè. Kè onaanwè ntú Adonniya, kòo yõ yètìrì tu Akiti. ³ Kòo nummuwè ntú Sefatia, kòo yõ yètìrì tu Abitadi. Kòo kuónwè ntú Itediammu, kòo yõ tú Ekidaa. ⁴ Dafiti tã diì mònñi tikpàti kémbo Ebunoo yebie nyèyiekè nè dikèè. Diì mònñi ndi ò piémè de kó initidabí ikuò. De kó difõnkúò kè Dafiti ntã tikpàti kékote Sedisademmu ke dà yebie sipísitàãti nè yètãati. ⁵ Ò de mbo, kòo pokù Batisebaa Amiyeedi kóo sapàà nhò peité initidabí ìnàà: Simaa nè Sobabu nè Natãã nè Sadomoo. ⁶⁻⁸ Kè Dafitii yé képeité ibí tei ìwei: Ibaa nè Edisua nè Edifedee nè Nõka nè Nefeki nè Yafia nè Edisamaa nè Ediada nè Edifedee. Kè be tãũ ntú Tamaa, ⁹ ké né mbúúti initidabí o pobè tãbè ò pié ì.

¹⁰ Nte Sadomoo bí nè o yaabí: Weè do peité Odoboammu kè Odoboammuu peité Abiya, kè

Abiyaa peité Asaa, kè Asaa peité Sosafati. ¹¹ Kè Sosafatii peité Yodammu kè Yodammuu peité Aasia, kè Aasiaa peité Soasi, ¹² kè Soasii peité Amasia, kè Amasiaa peité Asadia, kè Asadiaa peité Yotammu. ¹³ Kè Yotammuu peité Aasi, kè Aasii peité Esekiasi, kè Esekiasii peité Manansee, kè Manansee peité Aməə, ¹⁴ kè Aməə peité Sosiasi. ¹⁵ Kè Sosiasi kóo po ntú Yoananni, kòo nante Sosakimmu, kè Sosakimmuu nante Sedesiasi, kè Sedesiasii nante Sadummu, ¹⁶ kè Sosakimmuu peité Yekonniasi nè Sedesiasi.

¹⁷ Yekonniasi bè do pĩ n wè kékònnè Babidõnni o kó ibí do tú Seditieri ¹⁸ nè Madikidammu nè Pedaya nè Sennasaa nè Yekammia nè Osama nè Nedabia. ¹⁹ Kè Pedaya kó ibí ntú Sodobabæedi nè Simmeii, kè Sodobabæedi peité ibí ìdèi: Mesudammu nè Ananniya nè denitipobire Sedomiti, ²⁰ kényiénè inítidabí ìnùmmù Asuba nè Oedi nè Bedekia nè Asadia nè Yusuba Esedi.

²¹ Kè Ananniya peité ibí ìdèi: Pedatia nè Yesaya, kè Yesayaa peité Defaya, kè Defayaa peité Adinanni, kè Adinannii peité Abudiasi, kè Abudiasii peité Sekanniya. ²² Kè Sekanniya peité ibí ìkuò: Semmaya nè Atuusi nè Ikadi nè Badia nè Neadia nè Safati. ²³ Kè Neadia peité ibí itããti Edioyennaii nè Isikia nè Asidikammu. ²⁴ Edioyennaii do peité inítidabí ìyiekè ndi. Odafia nè Ediasibu nè Pedaya nè Akubu nè Yoananni nè Dedayaa nè Ananni.

4

Sudaa bí nè o yaàbí

¹ Sudaa peité ìì bí do tú: Pedesi nè Etisibonni nè Kadimii nè Uuri nè Sobadi. ² Kè Sobadii

peité Deayaa kè Deayaa peité Yaati kè Yaatii peité Aummai nè Daadu beè do tú Sodaa naàmùnkù kàbe kó beyààribè.

³⁻⁴ Efadata kóo po do tú Uuri, weè keté Be-tideemmu èi képié initidabí: Etammu nè Sisedeedi nè Isema nè Idibasi nè denitipobire Asedeponni, kényí kèpeité Pennuyeedi wèè keté Kedòori èi, kényí kèpeité Èsee wèè keté Usaa èi.

⁵ Asuu weè keté Tekoa èi kèmpo benitipòbè bèdébè Edaa nè Naada. ⁶ Kè Naada peité initidabí inàà Ausammu nè Efee kè Efee nante Teminni kè Teminnii nante Aasitadi. Naadaa kó ibí nyi memme. ⁷ Kè Edaa peité ibí itããti Sedeti nè Soaa nè Etina.

⁸ Kè Kàtii peité Anubi nè Sobeba weè do tú Ad-ummu Adadeyeedi bire naàmùnkù kàbe yààri.

⁹ Yabesi do tú onìti nwe bè bùó wè kè dè pèxéte o tebíi. O yó do ò péi kèféúté mediè mme kè deè nte kòo ò yu ke dè Yabesi.

¹⁰ Weè do bàntè Kuyie nke dè: Kuyie ny-Isidayeeribe tũ nkù á m pã mesàà, n yíe m mæke dè, nni nkánkè meyei nnè meféútímè memou. Kè Kuyie nhò duó nhò kù mæo dè. ¹¹ Suaa kóo kóti Kedubu weè peité Meii, kè Meii peité Esitõõ. ¹² Kè Esitõõ mbo Beti-Dafaa kèpeité Paseãã nè Teina kòo keté Naasi èi kè be yaàbí mbo Dekaa èi.

¹³ Kè Kenaai peité Otinniyeedi nè Sedaya. Kè Otinniyeedi peité Atati nè Meonõtaii. ¹⁴ Kè Meonõtaii peité Ofidaa, kè Sedayaa peité Yoabu weè do tú beyántibè yààri, bèè do bo kubiriku bè tu kù beyántibè biriku.

¹⁵ Kè Yefundee bire Kadebu peité initidabí itããti: Idu nè Edaa nè Naammu. Kè Edaa peité Kenasi.

16 Kè Yadeyεedii peité Sifi nè Sifaa nè Idiyaa nè Asadeyεedi.

17-18 Kè Esida peité Yetεε nè Mεδεdi nè Efεε nè Yanᵔᵔ, kè Mεδεdii puoke Esibiti kóo kpààti kóo sapàà Bitiya, kòo peité Midiyammu nè Sammai nè Iseba wèè keté Esitemᵔa εì. Kè Mεδεdii yíε kέpuoke Sudaa kó kuwuᵔ kou, kòo ò peité Yεδεdi nè Ebεε nè Yekutiyεedi. Kè Yεδεdii keté Kedᵔᵔ εì, kè Ebεε keté Sokoo εì, kè Yekutiyεedii keté Sandoyaa εì.

19 Kè Odiya puoke Naammu tāũ. Weè kó iyaàbí do tú Kadimiibe nè Makatiibe, kè Kadimiibe mbo Keidaa εì kè Makatiibe bo Esitemᵔa εì.

20 Kè Simᵔᵔ peité Amunᵔᵔ nè Dinna nè Benni-Anaa nè Tinᵔᵔ. Kè Iseii naàmùnkù kᵔbe ntú Soeti nè o bire.

21-22 Kè Sudaa bire Seda peité Εε nè Dada nè Yokimmu nè Soasi nè Sadafi, kè Edii keté Deka εì, kè Dada keté Madesa εì kέyíénè beyaàdùᵔbè bèè do duᵔkù tiyaàkpeti be kó tinaàmùnti beè do bo Iseti Asebeaa εì. Kè Yokimmu kᵔbe rᵔbo Koseba. Soasi nè Sadafi kè bèε puoke Mᵔabiibe kè mu nyí konní Deεmmu. De kó tináaᵔti tu tii dᵔᵔ tᵔnti nè dimᵔnni.

23 Bè do tú beyaamaribè mbe kέmbo Netaimmu εì nè Kededaa εì okpààti borè koᵔ maà tiyaati.

Simmeᵔᵔ kó ibí

24 Kè Simmeᵔᵔ peité Nemmuεedi nè Yaminni nè Yadibu nè Seda nè Sauri. 25 Kè Saurii peité Sadummu, kè Sadummu peité Mibisammu, kè Mibisammu peité Misemaa. 26 Kè Misemaa peité Amuεedi kè Amuεedii peité Sakuu kè Sakuu peité Simmeii. 27 Kè Simmeii peité initidabí tepíítè nè ikuᵔᵔ initipobí ikuᵔᵔ. O tebí í mpeité kè dè nsũ dεè te kè Simmeᵔᵔ kó kuwuᵔ nyí nsũ ke mᵔnnè Sudaa kᵔku mamè.

28-32 Dafiti mu nyí cǔuté dìì mǎnnì tikpàtì kè Simmeḗḗ kó kuwuḗ nkḗbe bo yèè ekè tu yie nè sīì ekésí kénṭṭ kétuḗkenè Dafiti cǔuté dìì mǎnnì tikpàtì: Bēerisebaa nè Mḗdada nè Asaa-Suadi nè Bidaa nè Esemmu nè Todadi nè Betuyēēdi nè Ḍidimaa nè Sikidaki nè Beti-Madikaboti nè Atisaa-Susimmu nè Betibidii nè Sadaimmu nè Etammu nè Ainni nè Dimḗḗ nè Tokenni nè Asāā. ³³ Nē sihekésí sīì yè tǎkénè, kétuḗkenè Badati yehékè bè do bo yēnyē. Bè cēí kó yeyètè bomu diheikèmpátiri miēke.

34-38 Nte Simmeḗḗ kó kuwuḗ nkó tinaàmùntì kó bekótìbè: Amasia bí do tú Mesobabu nè Yammideki nè Yosaa. Asiadi weè do peité Sedaya, kè Sedayaa peité Yosibia, kòo né peité Yeu nè Sowēeri. Semmaya weè do peité Simidi kè Simidii peité Yedayaa kè Yedayaa peité Anḗḗ, kè Anḗḗ peité Sifei, kè Sifei kó ibí ntú Sisa nè Bennaya nè Yesimiyēēdi nè Adiyedi nè Asayaa nè Yekoaya nè Yakoba nè Edioyennaii. Bè kó kuwuḗ ndo sūũ mmēdiè mmē. ³⁹ Kè bèè cíté kétuḗke Kedḗḗ tenkè mǎnku diyie yìèní kèè bíékè kó kubiriku ke wanti bè bo ncēm̀m̀m̀ dè be wũḗ, ⁴⁰ kēpété dinaacēnni sààrì kè dì ndeu mesàà mbá òmḗḗ í mbè kóḗnnè. Kammu yaábí do de mbo nè dimḗḗnnì. ⁴¹ Sudaa kóo kpààtì Esekiasi tḗ dìì mǎnnì tikpàtì, de mǎnnì ndi bekpààtibè ti bo ke yu bèè yètè bè domè de kó kutempē, kēpuḗ ntitouti nè yefe Kammu yaábí do borè, kēkuḗ benìtibè bèè do dè bo bemḗḗ kēdeè kēkari deborè ke kraá ke dè bo nè yìènnì. Ke yé dinaacēnni sààrì dè bomè bè bo ncēm̀m̀m̀ dè be pe.

⁴² Kè Simmeḗḗ kó kunaàm̀nk̀k̀ kḗbe mabè sikḗusiǹm̀m̀m̀ (500) kḗte Edḗmmu tempē nyetārè kḗku, kè Iseii bí ìnàà mbè ni bèè tu: Pedatia nè Adia

nè Defaya nè Usiyeedi. ⁴³ Kè bèe kuò Amadesiibe, bèè do yenté kénkpáá ke dè bo kédeè kékari. Kè be yaábí kpáá dè bo nè yíenní.

5

Dubenni kó kuwuo

¹ Dubenni weè do tú Sakɔbu kóo po ke né duónè o cice pokù mɔ̀, kè deè nte kòo paà Mpo dò nkétieke dè. Kè bèe dè duò nSosefu kó ibí, bá ò ténke íncómmú o f̄t̄iri. ² Kè Sudaa kó kuwuo nkpenke kéréžéte o tebíi kp̄yi. Weè kó kuwuo mmiéke nke okpààti do yènnimè kémbaké Isidayeeribe. Kè Sosefu bí ìi baa né nte Mpo ñ nte dè. ³ Kè Sakɔbu kóo po Dubennii peité initidabí ìnàà. Enàki nè Paduu nè Etisibonni nè Kadimii.

⁴ Kè Soweerii peité Semmayaa kè Semmayaa peité Kɔku kè Kɔkuu peité Simèii, ⁵ kè Simèii peité Miseen kè Miseen Deaya kè Deaya peité Baadi, ⁶ kè Baadii peité Beedaa. Beedaa do tú Dubenni kó kuwuo nkóo kpààti nwe. Kè Asidii èi kóo kpààti Tikidaa Fadasaa ò p̄i nkékònnè Asidii tenkè.

⁷ Nte Beedaa tebíi naàmùnti miéke bèè do tú benìùbè bèè do bè kàà nkè bè ntũmmè betɔ̀bè. Yeiyeedi weè do tú oketiwè. Kè Sakarii ntú odéri. ⁸ Be kó dif̄n̄kúò kè Bedaa ntũnní. Ò do tú Soweerii naàmùnkú kou nwe, Sema yaábire. Kòo cice tú Asaai.

Bèè kó tinaàmùnti kɔ̀be do bo ketenkè kèè bo Adowee temp̄e nkubakù cànku bíékè kéntɔ̀ kétuàkenè Nèbo t̄ari nè Baadi-Nèɔ̀ èi kubakù yóú bíékè. ⁹ Be kó ketenkè do keté diyìe yìèni kèè bíékè kó dikpáà ndi kéntɔ̀ kédítènè kukó nhEfadati ke yé bèè do m̀akemè iwũɔ̀ péu Kadaadi èi. ¹⁰ Sauri do tú

dìi mànnì okpààtì kè bèe dokénè Akidiibe ké bè na kéfiete be eì Kadaadi tempē diyìe yìenì kèè bíékè.

Kadi kó kufuku do duó ké dò mmèè boti

¹¹ Kè Kadi yaàbí mbo Basãã kó kubiriku kéntò kétuàkenè Sadikaa diyìe yìenì kèè bíékè ke bè èrínè.

¹² Kè Sowεeri kó kunaàmùnkù kuù mbaké tisònti kè bè mbo Basãã, kè Safãã kòku mbè pòkoo káyíénè Yanaii kòku nè Safati kòku. ¹³ Be kó difònkúò kè tinaàmùntì teti mbo tìyiekè Mikayεeri kòku nè Mesudammu kòku nè Sebaa kòku nè Yodaii kòku nè Meyakãã kòku nè Sebaa kòku nè Siyaa kòku nè Eβεε kòku. ¹⁴ Be kó kunaàmùnkù kó beyààribè do tú Abiyai nè Uuri nè Yadoaa nè Kadaadi nè Mikayεeri nè Yesisaii nè Yado nè Buusi. ¹⁵ Kunni yaabire Abidayεedi bire Aii weè do bè baké, ¹⁶ kέmbo Kadaadi tempē Basãã tenkè ke né yíénè yehékè yèè dè tòkénè, kè be naacēnni ntú Sadonni kó kubiriku kéntò kétuàkenè be tenkè mànku.

¹⁷ Kè bèe wāri bè yètè dihei kó yepáte miεke Yotammu tu dìi mànnì Sudaa kòbe kóo kpààtì nè Sedoboammu tu dìi mànnì Isidayεeribe kóo kpààtì.

¹⁸ Dubenni nè Kadi nè Manansee naàmùnkù kòbe kó dikée teri bè do màke behããpòmbè sikòupíísìnàà nè sikòupíísìnàà nè sikòusiyiekè nè sipísikuò (44760) bè do tú bèè nò mbèmbè mudoò mesàà ke tou tidòpiiti nè yekpàrise nè detännè. ¹⁹ Kè bèe dokénè Akidiibe nè Ayetuu botí kòbe nè Nafisi botí kòbe nè Nadabu botí. ²⁰ De kó mudoò miεke kè bèe banté ke dò nKuyie mbo tee, ké kù bàntè ké kù mɔɔ meteèmmè. Kè kùu bè teennè kè bèe na Akidiibe nè bèè bè kòmúmú, ²¹ kέpímmú be wũš ìì tu: Yòyóbè sikòupíísìnùmmù (50000) ipe nè sibóó sikòupíkòùpísidè nè sikòupíísìnùmmù (250000) nè

sãmmarímú sikõupísìdé (2000) kèpřĩmmúnè benìtibè tekõupíkùtè kékònnè (100000). ²² Kè bèe kuõ be dootitòbè pèu ke yé de kó mudoò do túmè Kuyie nkõmu mmu, kédèè kékari be tenkè kémbo kè Asidii kóo kpààti yàa bè přĩmmúnè kékònnè o èi.

Manansee kó kuwuõ ndikéè teri kòbe

²³ Kè Manansee kó kuwuõ ndikéè sònnii kòte kékari Basãã tenkè, kèntò kètuàkenè Baadi-Edimòò nè Senii nè Edimòò tārè. Kè be wuõ nsũũ. ²⁴ Nte bèè do ni be cẽĩ be yetè: Efeè nè Iseii nè Ediyeedi nè Asidiyeedi nè Idimmeya nè Odafia nè Yadiyeedi. Bèmòu bè do tú bèè yetè fei bèmbe, yekõmbò yembè.

²⁵ Dubenni kó kuwuõ nnè Kadi kòku nè Manansee kòku dikéè, kè bèe yete Kuyie mbè yembè do tú nkù, kè kù bùtinnè kèfié iwũõ yebòkè ibotí teli do feu yè, kè Kuyie nyi kùò kè bè kànnè. ²⁶ Mènme kè Kuyie nyIsidayeeribe tú nkùu íi nhAsidii kpààtibè Pudi nè Tekidati-Fadasaa be mièke, kè bèe bè do mudoò kè bè na kè bè přĩmmú kékònnè Adaa èi nè Abòò kperi nè Ada ye tenkè. Kè bè mpékénè Kosãã kó kukó nke kpaá de bo nè yíenní.

Defii kó kufuku duó ke dòmmè

²⁷ Defii kó ibí ìi tu: Kerisonni nè Keati nè Medadi. ²⁸ Kè Keatii peité Amidammu nè Yesea nè Ebunòò nè Usiyeedi. ²⁹ Kè Amidammu peité Anòò nè Mòyiisi nè be tãũ Midiyammu. Kè Anòò peité Nadabu nè Abiu nè Edasaa nè Itamaa. ³⁰ Kè Edasaa peité Pinasi kè Pinasii peité Abisua. ³¹ Kè Abisua peité Buki kè Bukii peité Usi, ³² kè Usii peité Sedaya kè Sedayaa peité Medayoti. ³³ Kè Medayotii peité Amadia kè Amadia peité Aitubu. ³⁴ Kè Aitubuu peité Sadòki kè Sadòkii peité Aimasii ³⁵ kè Aimasii peité

Asadia kè Asadiaa peité Yoananni ³⁶ kè Yoanannii peité Asadia weè do tú ikuó niùti Kuyie nciètè miεε Sadoməə do maá tē Sedisadεmmu. ³⁷ Kè Asadia peité Amadia kè Amadiaa peité Aitubu ³⁸ kè Aitubuu peité Sadəki kè Sadəkii peité Sadummu ³⁹ kè Sadummuu peité Idikiya kè Idikiyaa peité Asadia ⁴⁰ kè Asadiaa peité Sedaya kè Sedayaa peité Yosadaki. ⁴¹ Kuyie ndo duó ndi m̀nni kè okpàati Nebukannesaa p̄i nSudaa kəbe nè Sedisadεmmu kəbe ké we nwēnnénè Yosadaki kékònnè Babidənni.

6

Defii kó kuwuə nkəbe təbè

¹ Defii kó ibí do tú: Kerisonni nè Keati nè Medadi. ² Kè Kerisonni kó ibí ntú Dibini nè Simmeii. ³ Kè Keati kp̄eyi tú: Amudamu nè Isaadi nè Abunəə nè Usiyēdi. ⁴ Kè Medadi kp̄eyi ntú Madi nè Musii. Bèè do tú Defii kó kuwuə nkó tinaàmuntì kó beyààribè.

⁵ Nte Kerisonni kó kunaàmùnkù do duó ke dòm̀mè: Kerisonni weè do peité Dibini, kè Dibinii peité Yaati, kè Yaatii peité Simma, ⁶ kè Simma peité Yoa kè Yoa peité Ido kè Ido peité Seda, nè Yeatidaii.

⁷ Nte Keati kó kunaàmùnkù duó ke dòm̀mè: Keati weè do peité Aminnadabu kè Aminnadabuu peité Kodee kè Kodee peité Aitubu. ⁸ Kè Aitubuu peité Edikanaa kè Edikanaa peité Abiyasafu, kè Abiyasafuu peité Aimasi, ⁹ kè Aimasii peité Taati kè Taatii peité Udiyēdi kè Udiyēdii peité Osiasi, kè Osiasii peité Sauri.

¹⁰ Edikanaa do peité initidabí idèi ndi, Amasii nè Aiməti. ¹¹ Kè Aimətii peité Edikanaa, kè Edikanaa peité Safaii, kè Safaii peité Naati ¹² kè Naatii peité

Sammuyeri, ¹³ kè Sammuyerii peité o kóo po Soweri nè o nantè Abia.

¹⁴ Nte Medadi kó kunaàmùnkù duó ke dõmmè: Medadi weè do peité Madi, kè Madii peité Dibini, kè Dibinii peité Simmeii, kè Simmeii peité Usaa, ¹⁵ kè Usaa peité Sima kè Simaa peité Akiya, kè Akiyaa peité Asaya.

¹⁶ Bè tanné dìi mònni Kuyie ntaummè tóu ku cǐtè miéke, kè Dafiti duó nkè Defii yaábí ìi nte mudèmmù. ¹⁷ Sodomò mu ndo í maá Kuyie ncǐtè Sedisadèmmu kè beè te mudèmmù Kuyie ntaummè tóu ìikè ikuó yè ndè ndõmmè.

¹⁸ Nte beè do te mudèmmù nè be bío: Keati naàmùnkù miéke Sammuyeri yaábire Emanni Soweri biré. ¹⁹⁻²³ Nte o kó kuwuò ndo duó ke dõmmè: Sakòbu weè peité Defii kè Defii peité Keati kè Keatii peité Isaadi, kè Isaadi peité Kodee kè Kodee peité Ebiyasafu kè Ebiyasafuu peité Asii kè Asii peité Taati kè Taatii peité Sefanniya kè Sefanniyaa peité Asadia kè Asadiaa peité Soweri kè Sowerii peité Edikanaa kè Edikanaa peité Amasaii kè Amasaii peité Maati kè Maatii peité Edikanaa kè Edikanaa peité Sufu kè Sufuu peité Toaa kè Toaa peité Pediyedi kè Pediyedi peité Yeodammu kè Yeodammuu peité Edikanaa kè Edikanaa peité Sammuyeri.

²⁴ Kè Emanni tebite Asafu ncómmú o bakù yóu ke ni didentǐnni teri, ò do tú Simmeaa yaábire Bedikia biré ndé. ²⁵⁻²⁸ Nte o kó kuwuò ndo duó kè dõmmè: Defii weè do peité Kerisonni, kè Kerisonni peité Yaati kè Yaatii peité Simmeii kè Simmeii peité Sima kè Simaa peité Etã kè Etã peité Adaya kè Adayaa peité Seda kè Sedaa peité Etinii kè Etinii peité Madikia kè Madikiaa peité Basiya kè Basiyaa peité

Mikayერი kè Mikayერიi peité Sima kè Simaa peité Bedikiaa kè Bedikiaa peité Asafu. Kè Defii weè ntú be yààri.

²⁹⁻³² Kè Emanni nè Asafu be tebite Etãã còmmú o bakù cãnkú ke ni didentĩnni teri. Ó do tú Abudi yaàbire Kisi bire nde. Nte o kó kuwuo ndo duó ke dòmmè: Defii weè do peité Medadii kè Medadii peité Muusi kè Muusii peité Madi kè Madii peité Semmedi kè Semmedii peité Bani kè Banii peité Amisi kè Amisii peité Idikiya kè Idikiya peité Amasia kè Amasiaa peité Asabia kè Asabiaa peité Maduki kè Madukii peité Abudi kè Abudii peité Kiisi, kè Kiisi peité Etanni.

³³ Kè Defii kó kuwuo nkabe mpĩ mmutõmmú tẽmù mumou Kuyie ncĩètè mieke.

³⁴ Anoo nè o bí beè do te bè bo mbenkúmè Kuyie nyiwũõ benitibè kù pãã nyi, ke ì tũò ndiwũõtònni ñnkè, ke tuò ntihúúnti dihúúntònni ñnkè. Beè do te bè bo mpĩmmè mutõmmú mumou mùù tu Kuyie ncĩètè kõmu. Beè do te bè bo ndaarimè meyei ncĩẽmmè kó ikuó Isidayeribe Kuyie ndo tì nàké ku kóo tõnti Mõyiisi ke yẽ ndemou dè dò nkéndõmmè.

³⁵ Nte Anoo yaàbí: Anoo weè do peité Edasaa kè Edasaa peité Pinasi kè Pinasii peité Abisua. ³⁶ Kè Abisuaa peité Buki kè Bukii peité Usi kè Usii peité Sedaya, ³⁷ kè Sedayaa peité Medayoti. Kè Medayotii peité Amadia kè Amadia peité Aitubu, ³⁸ Kè Aitubuu peité Sadaki kè Sadakii peité Aimasi.

Bè do duó nyèè ekè Defii yaàbí

³⁹ Nte bè do totí mèè botí yehèkè Anoo yaàbí: Bè do tãũ tètè kè Keati kó kunaàmùnkù kabe beè ntú

beketibè kécòuté be kó ketenkè. ⁴⁰ Yèè ekè do tú Ebunṳ̀o èi Sudaa tempè mmièke nè be wũṣ̀ yó ncenti dè, ⁴¹ kéduó ndepaa nnè de kó sihekésí Yefundee bire Kadebu. ⁴²⁻⁴⁵ Kè bèe duó nyikúó niùtì Anṳ̀o yaàbí Ebunṳ̀o disòrì kó yehékè. Ebunṳ̀o nè Dibunaa nè Yatiidi nè Esitemmṳ̀a nè Idenni nè Debiì nè Asāā nè Bèti-Semesi. Kè Bensamèe kó kutempè nkpeye ntú Kebaà nè Adimeti nè Anatoti, kè de kó yehékèe wènné tepíítè nè yètāāti nè bè wũṣ̀ yó ncenti dè.

⁴⁶ Kè bèe tāū tété kéduó nKeati kó kunaàmùnkù kòbe tòbè be kó yehékè Efadaimmu tempè mmièke, nè Danni kó kutempè mmièke, nè Manansee kó kuwuṳ̀ ndikèè kùù bo diyìè yìèní kè ku mièke. ⁴⁷ Kè bèe duó nKedisṳ̀ṳ̀ kó kunaàmùnkù kòbe be kó yehékè tepíítè nè yètāāti Isakaa nè Asee nè Nefutadii nè Manansee kó kuwuṳ̀ itempè mmièke ìì bo Basāā tenkè mièke. ⁴⁸ Kè bèe tāū tété kéduó Medadi kó kunaàmùnkù kòbe be kó yehékè tepíítè nè yèdéè, Dubenni nè Kadi nè Sabunṳ̀o be tenkè mièke. ⁴⁹ Isidayeeriibe do duó nde kó yehékè Defiibe, ké bè duónnèmu be wũṣ̀ yó ncenti dè. ⁵⁰ Yehékè ti nàké yèè kpéí yè do bo Sudaa nè Simmèṳ̀ṳ̀ nè Bensamèe be kó itempè mmièke nke, bè do tāū tété nwe ké yè mbè duó.

⁵¹⁻⁵⁵ Nte disòrì kó yehékè bè do duó nyè Keati kó kunaàmùnkù kòbe Efadaimmu tempè mmièke nè Sisemmu tārè kòku mièke, yèè tu: Kesee nè Yokimeammu nè Bèti-Onṳ̀o nè Ayanṳ̀o nè Kati-Dimṳ̀o ké bè duónnè Manansee kó kuwuṳ̀ ndikèè teri, diì bo diyìè taà kèè bíékè de kó yehékè yèè tu: Anee nè Bideammu, bè do yè mbè duó, ké bè duónnèmu be wũṣ̀ yó ncenti dè.

⁵⁶⁻⁶¹ Nte bè do duó nyèè ekè Kerisonni kó kunaàmùnkù kòbe, Manansee kó kuwuṳ̀ ndikèè

dii bo diyie yiení kèè bíékè kó kutempē mmiēke Konaa èi nè Asitadoti yèè bo Basāā tenkè miēke. Isakaa kó kutempē mmiēke ké bè duónnè Kedesi nè Dabedati nè Damōti nè Anemmēii. Asee tempē mmiēke ké bè duó Masadi nè Abudonni nè Ukoki nè Deabu. Nefutadii tempē mmiēke ké bè duó Kedesi èi dii bo Kadidee nè Amōō nè Kidiyataimmu. Bè do yè mbè duó nké bè duónnèmu be wūō yó ncenti dè.

⁶²⁻⁶⁶ Nte bè do duó nyèè ekè Medadi kó kunaàmùnkù kōbe, Sabunōō kó kutempē mmiēke, de kó yehékè tu yiē: Dimmōnōō nè Tabōō, ké bè duó nDubenni kó kutempē nkùù bo kukó nSuditēē diyie yiení kèè bíékè ke tókénè Sedikoo de kó yehékè yèè tu: Dikpàà kó dihèi Besē Yaasi nè Kedemōti nè Metaati. Kadi tempē mmiēke ké bè duó Damōti èi dii bo Kadaadi tenkè miēke nè Madaimmu nè Esibonni nè Yasee, kéānnè bá dii èi nè be wūō yó ncenti dè.

7

Isakaa kó kuwuō ndo duó ke dōmmè

¹ Kè Isakaa kó ibí mbo inàà: Toda nè Pua nè Yasubu nè Simmudonni. ² Kè Toda kpeyi ntú: Usi nè Defaya nè Yediyēedi nè Yammaii nè Ibusammu nè Sammuyēeri, bēè do tú bekótibè Toda naàmùnkù miēke, ke tú yekōmbò yembè. Okpààti Dafiti baké dii mōnni bè do bo sikōupísisidé nè sikōupísidé nè sikōusikuò ndi (22600). ³ Kè Usii kpeyi ntú Isidaya kè Isidayaa peité Mikayēeri nè Abudiasi nè Sowēedi nè Isiya bēmōu mēmmē bè do tú bēè kōtì bēmbē be cēī miēke. ⁴ Be kó tinaàmuntì miēke kè benitidaabè bēè dò nkéna kékōte mudoò kè bè mbo sikōupísisitāāti nè sikōupísiikuò (36000), ke yē bè do mōkemè benitipòbè péu kè bēè bè pié ibí.

5 Kè bèe kaa nyIsakaa kó kunaàmùnkù mièke bèè nò mmudoò ke tú yekõmbò yembè kè bè mbo sikòupíísìni nè sikòupíísìyiekè (87000).

Bensamεε kó kuwuò ndo duó ke dòmmè

6 Kè Bensamεε kó ibí mbo itããti Bedaa nè Bekεε nè Yediyayεedi. 7 Kè Bedaa peité inùmmù Etisibonni nè Uusi nè Usiyεedi nè Yedimòti nè Idi, bè do tú yekõmbò yembè mbe ke baké be naàmùnti, bemou kè bè mbo sikòupíísìdé nè sikòupíísìdé nè sipísitããti nè bènàà (22034). 8 Kè Bekεε peité Semidaa nè Yoasi nè Ediesεε nè Edioyennaii nè Omudi nè Yedemòti nè Abiya nè Anatòti nè Ademeti. Bekεε kó ibí nyi mεmme. 9 Kè bèe kaa mbe kó tinaàmùnti kòbe kè bè mbo benitibè sikòupíísìdé nè sikòusidé (20200) bèè nò mmudoò ke tú yekõmbò yembè. 10 Yediyayεedi weè do peité Bideanni kè Bideanni bí ntú Seusi nè Bensamεε nè Eudi nè Kennanaa nè Setãã nè Tadisisi nè Aisayaa. 11 Yediyayεedi yaàbí nyi mεmme. Bá wè koò nkótí o naàmùnkù mièke, kè bèe bè kaa nkè bè mbo tekòupííítè nè sikòupíísìyiekè nè sikòusidé (17200). Bèè nò mmudoò ke tú yekõmbò yembè.

12 Idi weè do peité Supimmu nè Upimmu, Kè Aεε peité Usimmu.

13 Kè Nefutadii bí ntú Yasiyεedi nè Kunni nè Yesεε nè Sadummu. Bè do tú Bidaa yaàbí nyi.

Manansee kó kuwuò nduó ke dòmmè

14 Manansee pocēni ò do tùóté di Asidii kòbe mièke weè do ò peité Asidiyεedi nè Makiidi, kè Makiidii peité Kadaadi, 15 kè Makiidi waá nhonitipòkù képuó Supimmu kéwaá nhotòu képuó Upimmu, kémmeke o tãũ mòu kòo yètìrì tu Maaka. Makiidi bire terè do tú Sedofadi, kè Sedofadii pié

initipobí mǎá. ¹⁶ Kè Makiidii puoke Maaka kòo ò peité denitidabire ké dè yu ke dò Pèdesi, kényíé kèpeité dèterè ké dè yu ke dò Sedesi kè Sedesii peité Udammu nè Dekemmu, ¹⁷ kè Udammuu peité Bedanni.

Kadaadi naàmùnkù kòbe mbe memme. Kadaadi do tú Makiidi bire nde Manansee yaàbire.

¹⁸ Kè Kadaadi tǎũ Amòdekettii peité Isehòodi nè Abiesee nè Mada. ¹⁹ Kè Semidaa bí ntú: Ayanni nè Sisemmu nè Dikii nè Anniyammu.

Efadaimmu kó kuwuo nduo ke dòmmè

²⁰ Kè Efadaimmu peité Sutedaa kè Sutedaa peité Bededi kè Bededii peité Taati kè Taatii peité Edeyada kè Edeyadaa peité Taati. ²¹ Kè Taatii peité Sabadi nè Sutedaa. Kè Efadaimmu bí tɛi ìdèi Esee nè Edeyaadi kè bè ndó kéfiete Kadi eì kòbe kó iwũò kè bèe bè kùò. ²² Kè bè cice Efadaimmu nkuò mbe kũũ nke dò yewe péu, kòo tebíi ò bàntè. ²³ De kó difònkúò kòo duónè o pokù kòo púo nképeité denitidabire ké dè yu ke dò: Bediya, ke yé meyeñcaàrimè do bomè o cǐtè. ²⁴ Kòo yíé kèpeité denitipobire ké dè yu ke dò: Seeda, deè do mǎá Bèti-Onò tennì ñnkè nè Bèti-Onò biriku nè diheì bè tu dì Usenni Seeda. ²⁵ Kè Beda peité Defaa kòò peité Desefu kè Desefuu peité Tedaa kè Tedaa peité Taammu, ²⁶ kè Teannii peité Daedanni kè Daedannii peité Ammiudi kè Ammiudii peité Edisamaa, ²⁷ kè Edisamaa peité Nunnii kè Nunnii peité Sosuwee.

²⁸ Bèè do te Betèedi eì nè be wũò yó ncenti dè, Nadaa diyèè yìèní kèè bíékè, kènte Kesee eì nè Sisemmu eì nè be wũò yó ncenti dè diyèè taà kèè bíékè kèntò kètuòkenè Aya eì nè bè wũò yó ncenti dè.

²⁹ Manansee kó ibí ì do te Bèti-Seanni èi nè Taaanaki kperi nè Mèkidoo èi nè Dòdia nè be wũõ yó ncentì dè.

Dè kó yehèkè Isidayèeri birè Sosefu yaàbí ì do yè ã.

Asee kó kufuku duó ke dòmmè

³⁰ Kè Asee peité Imuna nè Isifa nè Isifi nè Bediya nè be tãũ Sedaa. ³¹ Kè Bediya peité Ebee nè Madikiyèedi, weè do peité Bidisaiti, ³² kè Ebee peité Yafideti nè Somèè nè Otammu nè be tãũ Suaa. ³³ Kè Yafideti peité Pasaki nè Bimadi nè Asefati. Yafiti peité bèmbè. ³⁴ Semèè weè do peité Doka nè Ububa nè Aramu, ³⁵ Edèmmu weè do peité Sofaa nè Imuna nè Sedesi nè Amadi. ³⁶ Kè Sofaa peité Suaa nè Adinefèè nè Suadi nè Bedi nè Imida, ³⁷ nè Besèè nè Udi nè Samaa nè Sidisa nè Itidanni nè Beeda. ³⁸ Kè Itidannii peité Yefundee nè Pisipa nè Ada.

³⁹ Kè Udaa peité Ada nè Anniyèedi nè Disia.

⁴⁰ Bèmou mèmme bè do tú Asee yaàbí nyi mèmme. Bèè do tú be cẽĩ kó bekótìbè, ke tú bekpàrìnuombe nè yekõmbò yembè. Kè bèè kaa Asee naàmùnkù kòbe bèè nò mmudoò kè bè mbo sikòupìpìsìdè nè sikòupìsìkuò (26000).

8

Bensamèè kó kuwuo nkòbe bèè do bo Sedisadèmmu

¹ Nte Bensamèè peité ibí inùmmù kè ì ntùmmè itòbè: ² Bedaa nè Asebèedi nè Aada nè Nòo nè Dafa. ³ Kè Bedaa peité Adari nè Keda nè Ayiudi ⁴ nè Abisuaa nè Naama nè Aoa, ⁵ nè Keda nè Sefammu nè Udammu.

⁶⁻⁷ Kè Eudii peité Naamaa nè Aiya nè Keda. Bèè do tú be cẽĩ kó bekótìbè kèmbò Kebaa kè bèè bè bèti

kè bèè kòte kémbo Mannaati èi. Usaa cice Keda nè Ahiudi bèè do bè niité de kó dihéi.

⁸⁻⁹ Kè Sadaimmuu beti o pobè bedé Usimmu nè Baada. Be kó difõnkúò kòo mbo Mòabu tempè nkéyíé kétúóté Odési, kòo peité initidabí iyiekè: Yobabu nè Sibia nè Mesa nè Madikammu ¹⁰ nè Yesusi nè Sakia nè Midima, bèè do kótí be cǐ miéke. ¹¹ O pokù Usimmu weè do peité Abitubu nè Edipadi. ¹² Kè Edipadii peité Ebèè nè Miseammu nè Semmèedi. Weè do maá Onòò nè Dòdi ekè nè sihekési sù dè tǎké.

¹³ Bediya nè Semma bèè do tú Ayanòò èi kòbe cǐ kó bekótibè. Bèè do bèti Kadi èi kòbe. ¹⁴⁻¹⁶ Kè Bediya kó ibí ntú: Aiyò nè Saasaki nè Yedemòti nè Adadi nè Edèè nè Makayèedi nè Isepa nè Yoa.

¹⁷⁻¹⁸ Kè Edipadi kó ibí ntú: Sebadia nè Mesudammu nè Isikia nè Ebèè nè Isimèdia nè Isidia nè Yobabu.

¹⁹⁻²¹ Kè Simmèii kó ibí ntú: Yakimmu nè Sikidi nè Sabudi nè Edienaii nè Sidetai nè Ediyèeri nè Adaya nè Bedaya nè Simmuda.

²²⁻²⁵ Kè Sasaki kó ibí ntú: Isepãã nè Ebèè nè Ediyèeri nè Abudonni nè Sikidi nè Ananni nè Ananniya nè Edammu nè Anetotia nè Ifidea nè Pennuyèedi.

²⁶⁻²⁷ Kè Yedoammu kó ibí ntú: Sammèsedaii nè Seadia nè Atadii nè Yadesia nè Edia nè Sikidi.

²⁸ Bèè do tú bèè kótí be naàmùnti duó ke dòmmè kémbo Sedisadèmmu.

²⁹ Kabaãõ weè do keté Kabaãõ èi kémbo di miéke kòo pokù yètìrì tu Maaka. ³⁰ Kòo bísapo tu Abudonni kòo nei ntú Tisuu nè Kiisi nè Baadi nè Nadabu, ³¹ nè Kedòori nè Aiyò nè Kesèè, ³² kè Mitidotii peité Simma kè bè mbo Sedisadèmmu nè be tebíi.

Sauriyaàbí
(Wénté 9:39-44)

³³ Nεε weè do peité Kiisi kè Kiisii peité Sauri kè Saurii peité Sonnatāā nè Madikisua nè Abinnadabu nè Esibadi. ³⁴ Kè Sonnatāā peité Mēdibaadi, kè Mēdibaadi peité Misee. ³⁵ Kè Misee peité Pitōō nè Mēdeki nè Tadea. ³⁶ Kè Aasii peité Yoada kè Yoadaa peité Ademeti nè Asimafeti nè Simidi, kè Simidii peité Mōsa. ³⁷ Kè Mōsaa peité Binnea, kè Binneaa peité Defayaa kè Defayaa peité Edasaa kè Edasaa peité Aseedi. ³⁸ Kè Aseedii peité initidabí ìkuò: Asidikammu nè Bokedu nè Isimayeri nè Seadia nè Abudiasi nè Annani. Bemou Aseedi bí nyi memme. ³⁹ Kè Aseedi mmàke o tebite kè te yètìrì tu Eseki, kòo peité o kóo po Udammu nè o nei Yeusi nè Edifedee. ⁴⁰ Kè Udammu kó ibí ntú yekōmbò yembè betāntāūbè, kè bè mmàke initidabí péu nè be yaàbí bemou kè bè mbo tekòutè nè sipísínùmmú (150).

Bemou Bensamεε kó kuwuò nkòbe mbe memme.

9

Isidayεeribe bèè do niité kékonní Sedisadεmmu

¹ Kè bèε kaa nyIsidayεeribe be wuò ntú nyitòbè ke dòmmè kēwāri be yètè, Isidayεeribe kpààtibè nè Sudaa kòbe be páte mieke. De mōnni ndi bè pīnmúmè Sudaa kòbe kékōnnè Babidōnni, bè yete mēè kpéi nkuyie nkpeti. ² Isidayεeribe nè ikuò niùbè nè Defiibe nè bèè do teénnè Defiibe Kuyie ncīètè kó mutōmmú, bèè do tú beketibè kēniité kékonní kékari be ekè.

³ Sudaa kòbe mabè nè Bensamεε kòbe mabè nè Efadaimmu kòbe mabè nè Manansee kòbe mabè kè bèè kōtení kékari Sedisadεmmu.

⁴ Sudaa kó kuwuò mmiεke Utaii weè do ni Pεδesi kó kunaàmùnkù. Nte o yààribè kó kufuku do duó ke dòmmè: Sudaa weè peité Pεδesi kè Pεδesii peité Bani kè Banii peité Immuri kè Immurii peité Omudi kè Omudi peité Ammiudi kè Ammiudii né peité Utaii.

⁵ Sedoniibe kó kunaàmùnkù miεke be kóo po Asayaa weè do bè ni nè o bí. ⁶ Sedaa kó kunaàmùnkù miεke kè Yeuyeedi mbè ni. Sudaa kó kuwuò nkumou kè bèe wēnné kέmbo sikousikuò nè sipísìwei (690).

⁷ Saduu weè do ni Bensameε kó kuwuò. Nte o yààribè kó kufuku do duó ke dòmmè: Asennuyaa weè do peité Odafia kè Odafia peité Mesudammu kè Mesudammu né peité Saduu. ⁸ Yedoammu bire Ibinniyaa weè do ni o kó tεcĩètè, kè Uusi bire Edanni nni o kpete. Mikidi weè peité Uusi kòo peité Edaa kòo nni bè cĩètè. Ibinneyaa weè do peité Deuyeedi, kòo peité Sefatia, kè Sefatiaa peité Mesudammu kòo nni be kó tεcĩètè. ⁹ De kó benìtibè do tú bèè kòtì bèmbε be cĩ. Bεmbε nè be tebíì bεmou kè bèe wēnné kέmbo sikousìwei nè sipísìnùmmù nè bèkuò (956).

¹⁰ Nte ikuó niùbè miεke bèè do konní be yètè: Yedaya nè Yoyadibu nè Yakinni. ¹¹ Asadiaa weè do kótì Kuyie ncĩètè kó mutõmmú. Nte o yààribè do tūnnemè betòbè: Aitubu weè do peité Medayoti kè Medayotii peité Sadaki kè Sadakii peité Mesudammu kè Mesudammuu peité Idikiya kè Idikiyaa né peité weè Asadia. ¹² Kòo tòu ntú Adaya nte o yààribè do tūnnemè betòbè: Madikiyaa weè peité Pasuu kè Pasuu peité Yedoammu kòo né peité weè Adaya. Kòo tòu ntú Masaii, nte o yààribè do tūnnemè betòbè: Imεε weè do peité Mesidomiti kè Mesidomitii peité Mesudammu kè Mesudammuu peité Yaseda kè Yasedaa peité Adiyεeri kè Adiyεeri né peité weè

Masaii. ¹³ Nè ikuó nùbè bèè kòtí be kó sicéĩ kè bè mbo benitibè tekoupiítè nè sikousiyiekè nè sipísikuò (1760) bemou bè do tú bediebè mbe Kuyie ncíètè tõmmú mieke.

¹⁴ Defiibe kó kuwuo mmieke Semmaya weè do ni Medadi kó kunaàmùnkù. Nte o yààribè do tũnnemè betòbè: Medadi weè do peité Asabia, kòo peité Asidikammu, kòo peité Asubu, kè Asubuu né peité weè Semmaya, ¹⁵ Asafu kó kunaàmùnkù mieke Bakibakaa weè do ni. Asafu weè do peité Sikidi kè Sikidii peité Misee kè Misee peité Matanniya kè Matanniyaa peité Kadaadi kè Kadaadii peité Edesi kòò né peité weè Bakibakaa. ¹⁶ Yedutunni kó kunaàmùnkù Abudiasi weè do kù ni. Kè Yedutunni peité Kadaadi kè Kadaadii peité Semmaya kè Semmayaa né peité weè Obudiasi. Edikanaa weè do peité Asaa kè Asaa né peité weè Bedekia. Kè bè mbo Nefofaa eì kó kutempè mmieke.

¹⁷ Nte yebòrè kó bebàribè kó yeyètè: Sadummu nè Akubu nè Tadimou nè Aimanni ke né yíénè be tebíí, kè Sadummu ntú be kóo kótí. ¹⁸ Nè yíenní beè bàà okpààtì kó yebòrè diyie yìèní kèè bíékè kpeye. Beè do tú bèè bàà Defiibe karì kó yebòrè. ¹⁹ Abiyasafu yaàbire Sadummu Kodee bire nè o tebíí beè do bàà Kuyie ncíètè kó dibòrì nè dimònnì be cicebè beè do tú bèè bàà Kuyie ncíètè kó dibòrì. ²⁰ Edasaa bire Pinasi nè dimònnì weè do tú be kóo niùtì kè ti Yiè nkuyie nni nhò bonè. ²¹ Kè Mesedemia bire Sakarii mbaà metaummè tou kó dibòrì.

²² Bè do bè tãátè be ekè mieke nke kè bè bo mbaà yebòrè bè do bè kàa mbemou kè bè mbo sikousidè nè tepíítè nè bèdébè (212). Dafiti nè Kuyie mpããnáàntì náàntò Sammuyeri beè do bè duó nde

kó mutõmmú. ²³ Bembε nè be bí beè do te bè bo mbaàmè ti Yiè nKuyie ncīētè kó yebòrè beè do baànè metaummè tou nè dimònni.

²⁴ Bεbàribè do ò mbo tipīti tìnàà ndi. Diyie yièni kèè bíékè nè di taà kèè bíékè nè kubakù you nè kucàнку. ²⁵ Kè be tebii sii kpáá be ekè kè sì níi kōtení be borè ke dà yewe yèyiekè. ²⁶ Bèè do kótí yebòrè bārīmù bè do bo bènàà ndi ke níi ndè bo sáà. Defiibe beè do te bè bo mbaàmè Kuyie ncīētè, nè tidieti ku cīētè kpàti borè. ²⁷ Bè do wentí Kuyie ncīētè pīti nti, beè do te bè bo ntè bàamè ke tè kpetírí bá dii kūnwehni.

²⁸ Bè mabè be miεke beè do te bè bo ndakεmè Kuyie ncīētè nenti kpéi. Ke níi nyóó ti dènnení ké ti kàa, ke nyóó ti tanné ké ti kàa. ²⁹ Kè bèε tāāté betòbè mabè be miεke kè bè ndake ikuó nenti kpéi nnè muyuo nsàdmù nè menàà nnè mekùò nnè tihúúnti nè meteniε nfõõmε. ³⁰ Ikuó niùbè bí ii do te i bo ndærimè meteniε nfõõmε.

³¹ Defiibe miεke Kodee naàmùnkù kou Sadummu bísapo Matitaa weè do te ò bo nkaatimè yekàtindà bè pã nyè Kuyie. ³² Keati naàmùnkù kabe mabè beè do te bè bo mpũùmè pēēbè bè pã mbè Kuyie mbá tèè om̀pùtè.

³³ Defiibe bèè do tú bedèmbè ke kótí be cēi kè bè nhā Kuyie ncīētè kó tidieti, bè do í pī mmutõmmú tēmù mamù, be kó mutõmmú do tú mudèmmù mää ndi kuyie nnè keyènkè.

³⁴ Bèè do tú bèè kótí be cēi miεke be yààribè wuo ntũmmè itòbè, kè bè mbo Sedisadεmmu.

*Bè bàtemè Sauri yààribè
(Wénté Mukàmmù 8:29-38)*

³⁵ Yeiyēedi weè do keté Kabaãḥ èi kēmbō di miēke kòo pokù yètìrì ntú Maaka. ³⁶ Kè be bísapo yètìrì ntú Abudonni nè Tisuu nè Kiisi nè Baadi nè Nee nè Nadabu, ³⁷ nè Kedəə nè Aiyō nè Sakarii nè Mikidoti. ³⁸ Kè Mikidoti peité Simmammu kè bè mbo Sedisadēmmu nè be tebìí.

³⁹ Nee weè do peité Kiisi, kè Kiisi peité Sauri. Kè Saurii peité Sonnatāã nè Madikisuaa nè Abinnadabu nè Esibadi. ⁴⁰ Kè Sonnatāã peité Medibaadi, kè Medibaadi peité Miseen. ⁴¹ Kè Miseen peité Pitḥḥ nè Medeki nè Tadea. ⁴² Kè Aasii peité Yada, kè Yadaa peité Ademeti nè Asimafeti nè Simidi kè Simidii peité Mōsa. ⁴³ Kè Mōsaa peité Binnea kè Binneaa peité Defayaa kè Defayaa peité Edeyasaa kè Edeyasaa peité Aseedi. ⁴⁴ Kè Aseedii peité initidabí ìkuḥ: Asidikammu nè Bokedu nè Isimayēeri nè Seadia nè Abudiasi nè Annani.

DAFTI, ISIDAYEERIBE KPÀÀTÌ KÓ TINÁÁŃTÌ

10

Sauri kó mukūū

(Wénté 1 Sammuyēeri 31:1-13)

¹ Fidisitēēbe beè do do Isidayēeribe mudoò, kè Isidayēeribe kó behāpòmbè ncokù kè bè bè puoti ditārì Kidiboa ke kəù. ² Bè me nyí kécētinne Sauri nè o bí kēkuḥ o bí: Sonnatāã nè Abinnadabu nè Madikisuaa. ³ Kè mudoò fuute kè betāntāūbēe kəute Sauri. ⁴ Kè Saurii náké weè tḥ o kpàrìmentì ke dḥ: Kpate a kpàrìsiè ké n kuḥ n yí dḥ itayéí yembè n kuḥ ké nni ndaú.

Wèè tɔ o kpàrìnentì kòo yàtɛ ke í nyie. Kè Sauri còó nho kpàrìsiè kédò di ìnkè. ⁵ Wèè tɔ o kpàrìnentì kòo yà ò kumè ke múnkɛɛ còó nho kperi kédò di ìnkè kékú.

⁶ Mɛ̀m̀m̀e Sauri nè o bí ìtããti bè kumè, be cĩètè be m̀ou. ⁷ Kè Isidayɛɛribe bèè kó dimàà do bo kubiriku kè bèè yà Isidayɛɛribe cokùmè, kè mudoò kònnè Sauri nè o bí, ke yóu be ekè kécoké, kè Fidisitẽ̀ẽ̀be kɔtɛní ke yè kàri.

⁸ Mɛ̀m̀m̀e kè dèe wenté kè Fidisitẽ̀ẽ̀be kɔtɛ kénkutiri becírìbè káyà Sauri nè o bí kè bè ku ke duó Kidiboã tãrì ìnkè. ⁹ Kè bèè kuti Sauri kékéété o yuu kèwènnénè o kpàrìnentì kétúóté kékònnè, kè tì pĩ̀kè Fidisitẽ̀ẽ̀be èi dim̀ou kénáké benitìbè nè yebòkè bè namè Isidayɛɛribe. ¹⁰ Kè bèè túóté Sauri kpàrìnentì kètanné be kó tɛ̀bɔ̀cĩ̀ètè, kétúóté o yukóũ kénúnné be kó dibòò bè tu dì Dakóò di kó ditou miɛ̀ke.

¹¹ Yabesi èi kɔbe bɛm̀ou bèè bo Kadaadi tempè mmiɛ̀ke bè kèè dìi m̀onnì Fidisitẽ̀ẽ̀be dòò dè Sauri dem̀ou, ¹² kè benitidaabè yekòmbò yembè bɛm̀ou ité kékɔtɛ kétúóté Sauri nè o bí kè bè kònnè Yabesi èi kékũnné be kũ̀ò Yabesi èi kó mutie bè yu mù ke tú tedem̀entì mu také.

¹³ Sauri do yete ti Yiè nKuyie nkpeti nti kè dèè nte kòo kú. Ò do í yie nkétũnne ti Yiè nKuyie nkpeti, ò do bùtínne ku kuó nyi kèmbourì tinùbootì, ¹⁴ kèyete ò bo mbekùmè ti Yiè nKuyie. Kè ti Yiè nKuyie nyóu kòo kú kè kùu duó ntikpàti Seseɛ birɛ Dafiti.

11

*Bè pĩ̀r̀m̀è Dafiti tikpàti
(Wénté 2 Sammuyɛri 5:1-3)*

¹ Kè Isidayeeribe bemou tí nDafiti borè Ebunoo kòò nàké ke dà: Nte tinti ti tú a boti kabe mbe kè ti wè mmeɣɣi mmemáà. ² Nè dimənnini Sauri do tú dii mənni okpàati kè fɔ̀ɔ̀ niù Isidayeeribe mudoò. Ti Yiè nKuyie nda nàkému fɔ̀ɔ̀ yó mbakémè ku nìtìbè Isidayeeribe, fɔ̀ɔ̀ yó ntúmè bè kóo kpàati.

³ Memme kè Isidayeeribe kó bekótìbè bemou kate késónké Dafiti Ebunoo. Kòo bè dànnè metaummè ti Yiè nKuyie nyìkè Ebunoo. Kè bèe ò còú mmekùò nkòò pī ntikpàti kòò bo mbaké Isidayeeribe ti Yiè nKuyie ndo tì nàké Sammuyeri kényè ndè ndòmmè.

*Dafiti tiekemè Sedisademmu
(Wénté 2 Sammuyeri 5:6-10)*

⁴ Dafiti nè o kabe Isidayeeribe bemou, kè bèe báátí ke bo do Sebusiibe bèè do bo Sedisademmu. ⁵ Kè Sebusiibe bèè bo de kó dihei mieke kè bèe nàké Dafiti ke dà: A í tatiní di nheì!

Nè memme kè Dafitii fietè dihei kperi iduotí fité di Siyɔ̀ɔ̀. Kè bèe dè yu ke dà Dafiti èi Siyɔ̀ɔ̀. ⁶ Dafiti do béimmu ke dà: wèè bo niité kèpoté Sebusiibe wèè yóó niité behāpàmbè kè Seduyaa birè Soabuu niité kèpoté Sebusiibe kèniité behāpàmbè.

⁷ Kè Dafiti mbo de kó dihei kperi iduotí fité di. Dèe te kè bè di yu ke tú Dafiti èi. ⁸ Kòo maá iduotí kèfité kutādèikù bè Ìtinné kù, ké kù yu ke dà Midoo kè Soabuu tūnte dihei sɔnni.

⁹ Memme kè Dafiti yètìrì nfeirí, kè ti Yiè nKuyie Mpackedaa ní nhò bonè.

*Dafiti kó behāpàmbè yekəmbò yembè
(Wénté 2 Sammuyeri 23:8-39)*

10 Nte behǎǎpǎmbè yekǎmbò yembè bèè do bonè Dafiti o kpàtì timǝu miεεε, bèè do wǝnnénè Isidayεεribe sǝmbe kè bèε pǐ nDafiti tikpàtì kǝntũ mβε Yiè nKuyie mbè nǎké tì. 11 Nte δε κό behǎǎpǎmbè yètè: Yasobeammu, Akimǝniibe botí kou mǝu κό δεbirε weè do kótí yekǎmbò yembè bètǎǎtì tǐnnì, weè do èi nho kpǎnnì kékua benìtibè sikǝusitǎǎtì (300) dimǝnnì dimǎà.

12 O κό difǎnkúò kè Edeasaa Dodo Ahoa εi kou κό δεbirε nhò tũnko, ò do kǎké yekǎmbò yembè bètǎǎtì tǐnnì miεεε nke. 13 Ò do bonǝmu Dafiti Pasi-Damimmu Fidisitǝǝbe do tii ndii mǝnnì ke bo dokénè Isidayεεribe, kè Isidayεεribe κό behǎǎpǎmbèε coké, ke sǎ ntidiitì bè tú tì ódìsì ti κό kupaku dè bo. 14 Edasaa nè o kǎbe kè bèε cómmú ké kù fiεεε kǝpoté Fidisitǝǝbe, kè ti Yiè nKuyie nduó nkè Isidayεεribeε bè na ké bè auté mediè.

15 Memme kè benìtibè bètǎǎtì bembe bèè ni benìtibè sipísitǎǎtì, kè bèε kǎtení ke bo yà Dafiti dipèrì dii bo Adudammu tǎdǝnkù borè. Δε κό dimǝnnì kè Fidisitǝǝbe bàté Defaimmu biriku ke kari. 16 Kè Dafiti mbo tεcǝkpetè miεεε ke sǎri, kè Fidisitǝǝbe κό dikari mari bo Betideεmmu. 17 Kè Betideεmmu εi bǝrì κό tεbintε niε nkó kudókùu pǐ nDafiti, kòo saute ke dǎ: We mbo ndónnì Betideεmmu εi bǝrì κό tεbintε niε kè n yǎ?

18 Ò yǐ memme kè bekpǎrǐnuǝmbe bètǎǎtì bembe kǝté Fidisitǝǝbe κό dihǎǎpǎnkari kékǝte kédóni meniε Betideεmmu ké mè tǝní kòò duó nkòo yete ò bo yǎmè, ké me pǎ ti Yiè nKuyie ké mè còúnko ku ìkè. 19 Ke béi nke dǎ: Ti Yiè nKuyie mbǎá yie nkè n yǎ δε κό meniε, mè n dò mmeyǐ mme ke yé δε κό benìtibè cǐnnemè be bǝ nye, ke kǎáté mukũũ nke kǝte ke mè

dònní. Kòo yete ò bo mè yǎmè. De kó bekpàrinuambe betǎãti beè do pĩ nde kó mutǝmmú.

²⁰ Soabu tebite Abikaii weè do ni benìtibè sipísitǎãti, kékuanè o kpǎnni be dootitǎbè síkǝusitǎãti (300), kòo yètìrì feité benìtibè sipísitǎãti sinsi mieke. ²¹ Kè bèe ò dèúkunne kè dèe pèētè sipísitǎãti sinsi, o yètìrì me nyí nfeité ke tǔòke beketibè bètǎãti kpeye, kòo bè baaté.

²² Yoyada dikǝmbùd yìe nweè do peité Bennaya, o yààrì do tú Kabuseyedi èi kou nwe, kòo mbaké benìtibè péu, weè Bennaya do kùò Mǝabu èi kó bekpàrinuambe bèdé, weè do kùò Mǝabu èi kó kubinku kó dicirìcìrì muséé diemù kó diyìe. ²³ Weè do wète kékua Esibiti kou mǝu kòo okùmè bo mètìrì bèdé nè dikée, kòo tǔ dikpǎnni kè dikpǎndǔ mannè kupààkondùdǔ, kè Bennaya fiete o kpǎnni kòo kùanè. ²⁴ Nte Yodayada birè Bennaya dǔdè, kòo yètìrì feité bekpàrinuambe sipísitǎãti bembè mieke. ²⁵ Ò do tú wèe yètìrì feí wènwe benìtibè sipísitǎãti bembè mieke, ò me nnè í ntùòke bètǎãti bembè, kòo kpààti Dafitii duò nkè wè mbaké behǎãpòmbè bèè bàà wenwe okpààti.

²⁶ Behǎãpòmbè yekǝmbò yembè tǎbè do tú: Asaedi Soabu nantè nè Edananni Dodo Betideemmu èi kou kó debire. ²⁷ Nè Samǝti Adodi èi kou nè Edesi Padonni èi kou. ²⁸ Nè Idaa Ekesi Tekoa èi kou kó debire, nè Abiesee Anatǝti èi kou. ²⁹ Nè Sibekaii Usaa èi kou, nè Idaii Ahoa èi kou. ³⁰ Nè Madaii Netofaa èi kou, nè Ededi Netofaa èi kou Baana kó debire. ³¹ Nè Itaii Dibaii Kibea èi kou kó debire Bensamee kó kutempè nkou, nè Bennaya Pidatonni èi kou, ³² nè Kasi èi kó ikó mpéemmè kou Udaii nè Abiyedi nè

Betii Adaba èi kou, ³³ nè Baodimmu èi kou Asimafeti nè Sadibonni èi kou Ediaba. ³⁴ Kisõõ èi kou Asemmu kó ibí tú: Sakee bire Sonnatãã Adadii èi kou ³⁵ nè Adadii èi kou Sakaa bire Aiyammu nè Udii bire Edifadi, ³⁶ nè Mèkeda èi kou Efεε nè Padonni èi kou Aiya ³⁷ nè Kadimεedi èi kou Esido nè Esebaili bire Naadaili. ³⁸ Natãã tebite Sowεeri nè Akiditi botí kou Mikaadi. ³⁹ Nε Amõniibe botí kou Sedeki, nè Bedoti èi kou Nadaili wèè do tau Seduya bire Soabu kparìnti. ⁴⁰ Nε Yetεε cĩètè kou Idaa nè Kaarebu be cĩètè temàà ndi, ⁴¹ Itiibe kó kunaàmùnkù Udii Adaili bire Sabadi, ⁴² nè Dubenni kó kuwu nkou Sisa bire Adinna wèè do neinè behããpòmbè sipísitàãti. ⁴³ Nε Maaka bire Annani nè Metenni èi kou Sosafati. ⁴⁴ Nε Asetado èi kou Usia nè Adowεε èi kou Otammu bí Samma nè Yeyεedi, ⁴⁵ nè Semudii bire Yediayεedi nè o tebite Tisi èi kou Yoα. ⁴⁶ Nε Mataα èi kou Ediedi nè Edinammu bí Yedibaili nè Sosafa nè Mõabu èi kou Itima, ⁴⁷ kényiénè Tisoba èi kòbe Ediyεeri, nè Obedi nè Yasiedi.

12

Benitibè ketibè bèè do wënnénè Dafiti

¹ Nte bèè do kòte kéwënnénè Dafiti ke só nhò bo Sikida ke sori Kiisi bire Sauri kpeí, de yembè do tú yekòmbò yembè mbe, bekpàrinuombè, beè do õõ ò teennè mudodò. ² Ke nò nke tãũ kucànkù nè kuyou, ke si dokùnè detánténditirè.

Bensamεε naàmùnkù kou Sauri tebiì nsi, sù yètè tu yiε: ³ Kibeα èi kou Simaa bí, Soasi nè o tebite Ayesεε wèè do ni be kó kunaàmùnkù nè Asimafeti bí Yesiedi nè Pedeti nè Anatoti èi kòbe Bedakaa nè Yeuu. ⁴ Isimayaa Kabaõõ èi kou, ohããpònkperi wèè do ni behããpòmbè sipísitàãti, ⁵ nè Kededaa èi

kɔbe Sedemii nè Yayeedi nè Yoanna nè Yosabadi,
 6 nè Adufu èi kɔbe Edusaii nè Yedimɔti nè Beadia
 nè Semmadia nè Sefatia, 7 nè Koda naàmùnkù
 kɔbe Edikanaa nè Isia nè Asadeedi nè Yoesee nè
 Yasobeammu 8 nè Kedɔɔ èi kɔbe Sedoammu bí
 Yoeda nè Sebadia.

9 Be kó difɔnkúò kè Kadi kó kuwuo nkɔbe tũnnɔ
 kéwɛnnénè Dafiti ò sàri dè dikpáà miéke. Yekɔmbò
 yembè do mbe bekpàrìnuɔmbe bá wè kòò nɔ nke
 kèí kudɔpikù, ke nɔ nke tãũ yekpãã nke mɔke
 yeciricirè kó yekɔmbò ke cãá nsiweí cããmè yetãrè
 ñnkè. 10 Bè do bo tepítè nè òmáà ndi, Esee weè
 do tú oketiwè kè Abudiasi ntú odéríwè, kè Ediabu
 ntú otããnwè, 11 kè Masemmana ntú onaanwè kè
 Sedemii ntú onummuwè, 12 kè Ataii ntú okuónwè
 kè Ediyeyeri ntú oyiénwè, 13 kè Yoana ntú oniínwè, kè
 Edisabadi ntú oweínwè, 14 kè Immeyau ntú opíínwè,
 kè Makemanaii ntú tepítè nè oketiwè. 15 Kadi kó
 kuwuo nkɔbe mabè do mbe, bèè baké yehããpòntírè
 be miéke, wèè tu osám̀pòu kòò wɛrímú mmànnè
 behããpòmbè tekòutè (100) kɔmu, kòò diewè kɔmu
 mànnè tekòupíítè (1000) kɔmu. 16 Bèè do sèrítè kukó
 nSuditɛɛ dibenni kóo tãnkù ketiwè miéke, ke ś
 menie mpíe ke yènnè yekonnébiè kébeti bèè maá ku
 také diyè yìèní kèè bíékè nè di taà kèè bíékè.

17 Bensamɛ kó kuwuo nkɔbe mabè nè Sudaa kó
 kuwuo nkɔbe mabè kè bèe wɛnné kékɔte késónké
 Dafiti ò sàri dè. 18 Kè Dafitii íténi ké bè co kébéi
 nke dò: Kè di kàtení m borè nè kunaatí nku ke bo n
 teennè n yóó yiémmu kè ti yèmmèe wɛnné, kè di me
 nkàtení ke bo n soutému ké n fíténè n dootitòbè, m
 me nyí cààrè mùmamù, ti Yiè nKuyie nti yembè do
 tũ nkù ti wúómmu ke bo ti púté. 19 Kè ti Yiè nKuyie

nYáá nta Amasaii wèè do ni benìtibè sipísitàãti kòò
bèi nke dò:

Ti da wẽnnèmu.

F́ nDafiti Sese birε ti da kómmúmu
kunaatí nda bonè kέmbonè bèè da teénnè.

A kóo teènti tu ti Yiè nKuyie nku.

Kè Dafitii yie nké bè còuté, kè bè nwẽínè bèè baké
yehããpòntĩrè.

²⁰ Mεmμε kè Manansee kó kuwuo nkαβεε kατε
Dafiti borè ke ś nhò kατε Fidisitēēβε dokù ndè Sauri
ke bo bè wẽnnénè. Ó me nyí mbè wẽnnénè ke ý
Fidisitēēβε kó bekpààtibè do nàkémè be máà kóò
bèti ke dò ò yàà bo kónté kέwẽnnénè o yiè nSauri
ké bè kù. ²¹ Mεmμε Dafiti itémè kénwēti Sikidaa
kè Manansee kó kuwuo nkαβε beμβε nhò neínè.
Bèè yètè tu: Adinaa nè Yosabadi nè Yediyayεeri nè
Mikayedi, nè Yosabadi, nè Ediu nè Sidetai. Bè
do tú bèè ni bèμβε Manansee kó kuwuo nkαβε
bá wè tekoupiítè (1000). ²² Kè bè nteénnè Dafiti
ke baké dihããpòntĩnni, ke ý bè do túmè beμου
bekpàrĩnuμβε mβε, kòo bè baá mbεhããpòmbè.
²³ Bá dìi yiè kè Dafitii mpieti beteèmbè kòo kó
dihããpòntĩnni dèúkú ke kpeñni.

Bεhããpòmbè bèè do pĩ nDafiti tikpàti

²⁴ Nte behããpòmbè bèè do bàátí késónké Dafiti
Ebunα ke bo ò cēĩ nSauri kpàti ti Yiè nKuyie ndo
yē ndè ndòmmè.

²⁵ Sudaa kó kuwuo mmieke behããpòmbè bèè
do tα tidopiiti nè yekpãà bè do bo sikoupiísikuò
nè sikousini ndi (6800). ²⁶ Simmeōō kó kuwuo
mmieke kè bekpàrĩnuμβε mbo sikoupiísiyiekè nè
tekòutè (7100). ²⁷ Defii kó kuwuo mmieke kè

sinitidabíí r̄bo sikəupísìnàà nè sikəusìkuò (4600),
²⁸ k̄yíénè Yoyada w̄è do baké Anəə yaàbí nè o
 kəbe k̄è bè mbo sikəupísitàāti nè sikəusiyiekè (3700),
²⁹ nè odapàà nSadəki okpàr̄inuənti nè o c̄f̄ètè kó
 behāāp̄ònkótibè sipísidé nè bèdébè. ³⁰ Bensamεε
 kó kuwua nkəbe Sauri tebii sikəupísitàāti (3000)
 sii do w̄ənné ke ȳé besūkùbè be miεke do kpáá
 t̄ummè Sauri f̄nkuò ndi. ³¹ Efadaimmu kó kuwua
 mmieke bekpàr̄inuəmbè bèè yètè do fei be naàmùnti
 miεke k̄è bè r̄bo sikəupípisidé nè sikəusini (20800).
³² Kè Manansee wua nkó dikéè miεke k̄è bèè tāāté
 tekəupípiitè nè sikəupísini (18000) k̄è bè bo kəte
 k̄ép̄īéké Dafiti tumè okpààti. ³³ Isakaa kó kuwua
 mmieke k̄è bekpàr̄inuəmbè r̄bo sikəusidé (200)
 k̄embaké be tebii bè do tú bèè ȳé bèmbè Isidayεεribe
 d̄ò nkédòò tì nè bè d̄ò nké tì d̄ò d̄ii m̄ənni.
³⁴ Sabunəə kó kuwua mmieke k̄è behāāp̄òmbè r̄bo
 sikəupípisinùmmù (50000) ke ȳé mudoò, ke wāké
 mudoò kp̄éi nke m̄əke tikpàr̄inenti timəu ke dokùnè
 be yèmmè m̄eməu. ³⁵ N̄efutadii kó kunaàmùnkù
 miεke k̄è behāāp̄ònkótibè r̄bo tekəupíitè (1000)
 nè behāāp̄òmbè sikəupísitàāti nè sikəupísiyiekè
 (37000) ke báátí tidəp̄iiti nè yekp̄āā. ³⁶ Danni
 kó kuwua mmieke k̄è behāāp̄òmbè bèè wāké mu-
 doò kp̄éi, k̄è bè r̄bo sikəupípisidé nè sikəupísini
 nè sikəusikuò (28600). ³⁷ Aσεε kó kuwua mmieke
 k̄è behāāp̄òmbè r̄bo sikəupípisìnàà (40000) bèè n̄ə
 mmudoò ke wāké mudoò kp̄éi ³⁸ nè iwua ntei ìi bo
 kukó nSudit̄ēē yáà diyie ȳl̄ení k̄èè bíéké Dubenni
 kəbe nè Kadi kəku nè Manansee kəku dikéè teri,
 k̄è bè r̄bo tekəupíkòutè nè sikəupípisidé (120000) ke
 m̄əke tikpàr̄inenti timəu.

39 Behããpòmbè ti mè nnàké bèè kpéí bẽmou bèè do wāké bẽmbẽ mudoo kpéí nkédóóté nè meyèmmè memáà kékote Ebunoo kápí nDafiti tikpàti. Besõmbẽ bẽmou kè bèe bè wẽnnénè meyèmmè kè bèe pĩ ntikpàti Dafiti. 40 Kè bè nké bo ke dò yewe yètãati ke wẽnnè Dafiti ke yo nke yò. Bè tebíi sii do bè bèíné mudii. 41 Kè bè pẽetitòbèe bè yìé tidiiti, kétúóté Isakaa kó kutempẽ nè Sabunoo kénto kètuoKENÈ Nefutadii kaku. Kè bè ntoummu sãmmarímú nè yòyóbè nè yesãmmarínnarè nè inààke, tidiiti tibotí tibotí, muyuo nnè yekàtìndà bè dònè yè fikíè kó yebe nè fínyĩ kó yebe kperè nè menàà nnè mekùò nnè inààke nè ipe péu. Dè do tú dibanni dierì ndi Isidayeeribe bẽmou kpéí.

13

Dafiti dómè kékonnènní Kuyie ntaummè tou (Wénté 2 Samuyeri 6:1-11)

1 Kè Dafitii tí nyIsidayeeribe kó benìùbè bèè ni benìtibè bie nsikòupí, betòbè sikou nè behããpòmbè iwẽi yembè. 2 Kòo bè nàké ke dò: Kè di wénté kè dè wenni, kè dè bonní tí Yiè nKuyie mborè, tí tã nkè ti tebíi sù kraá Isidayeeribe tempẽ nyimou nè ikuó niùbè nè Defiibe bèè bo Isidayeeribe ekè kè bèe kotení ti borè. 3 Kè tí kote kètóní ti Yiè nKuyie nti tũ nkù taummè tou, ke yé ti do í dakemè di kpéí Sauri kó dimònni.

4 Kè ditínni dimouu ti yie nke yé di wùómmè kè dè wennimu ke dò nkédò. 5 Kè Dafitii tí

12:41 +yesãmmarínnarè: Dèè naá ndènde sãmmarímú dè me nyí tú sãmmarímú, sisẽf nè sãmmarímú dè wẽnnè ke peité dènde, kè dè cénke bo de cuokè dè me nyí tú sãmmarímú yoo tesântè.

nyIsidayεεribε βεμου, κέτύóτέ βεμβε νέ Esibiti káβε βε temmàнку kέntα kέtuάkenè Debo-Amati kέ bè bo káτε Kidiya-Yeadimmu kέtóni ti Yiè nKuyie ntaummè του. ⁶ Dafiti νέ Isidayεεribε βεμου kέ βέε tíí Badaa εì Kidiya-Yeadimmu dìì bo Sudaa tempē kέ βέ bo túóτέní ti Yiè nKuyie ntaummè του. Kuyie ntōrè yèdèé bè tu yè βéĩnkèmbàribè ye fènti còmú dìì ìnkè ti Yiè nKuyie mborè. ⁷ Μεñμε βέ túóτέμέ ti Yiè nKuyie ntaummè του Abinnadabu cĩètè ké di ànné tenaasántè pàntè miεke Usaa νέ Aiyο kέ βέ nderi inààke ìì dìì το. ⁸ Dafiti νέ Isidayεεribε βεμου kέ βέ nyāнку ti Yiè nKuyie nyìkè νέ βε wērímu mumou ke diè nke bie ntibómbonti νέ tikùtìdùùtì νέ yeβàrè νέ tikāpentì νέ yetātehe. ⁹ Βέ túòke dìì mōnnì Kidonni yíé borè kέ inààke ndó kέbo ti Yiè nKuyie ntaummè του kέ Usaa youte ο nùtè ke bo dìì còuté, ¹⁰ kέ ti Yiè nKuyie mmieke ò còuté, kέ kùu ò poté ò yòute mèè kpéi nho nùtè ke kàáké metaummè του. Kέ Usaa kú dende ti Yiè nKuyie nyìkè.

¹¹ Kέ dèε yonke Dafiti ti Yiè nKuyie mpotémè Usaa kòo yú dεborè ke dò: Pedεsi-Usaa kέ βέ kpaá me ndè yu νέ yíenní. ¹² De yíè kέ Dafitii yote ti Yiè nKuyie nke béi nke dò: M bo dáátí kέ ti Yiè nKuyie ntaummè του ta n cĩètàà?

¹³ Μεñμε kέ Dafiti í nyie nke bo kōnnè ti Yiè nKuyie ntaummè του ο ciε, kéduó nkè βέε dìì kátenè Kati εì kou Obedi-Edōmmu cĩètè. ¹⁴ Kέ dìì ríbo ο cĩètè ke dò βεtāàbè βètāāti, kέ ti Yiè nKuyie nhò dòò mesàà nnè ο cĩètè temou νέ ò mòke dè demou.

Dafiti kàrimè Sedisademmū
(Wénté 3:5-9 nè 2 Sammuyeri 5:11-16)

¹ Kè Tiiri kóo kpààti Idammū tōnnè benìtibè dètekperè kó idéi nè bedabeesũḃbè nè betácìèbè kè bè bo maá Dafiti tèkpààticìètè. ² Mēmme kè Dafitii banté ti Yiè nKuyie nkuù ò duómmè tikpàti kòò baké Isidayeribe kè kù dèúkunko o kpàti kù dó mēè kpéi nyIsidayeribe.

³ Kè Dafiti mbo Sedisademmū kéwēte képuoke benitipòbè tǎbè kè bèe ò pié initidabí nè initipobí. ⁴ Nte bè do pié ì bí Sedisademmū i yètè: Sammua nè Sobabu nè Natāā nè Sadowǎ, ⁵ nè Ibaa nè Ediisua nè Edipedeti ⁶ nè Nòkaa nè Nefeki nè Safia, ⁷ nè Edisamaa nè Beediyada nè Edifedee.

Dafiti namè Fidisitēēbe
(Wénté 2 Sammuyeri 5:17-25)

⁸ Kè Fidisitēēbe keè Isidayeribe còúmmè mekùò Dafiti, koò pī ntikpàti kòò bo mbè baké bemou. Kè Fidisitēēbe íté bemou kénwanti Dafiti ke bo ò pī nkè Dafitii tì kèè kébáátí kégèroo ké bè co. ⁹ Kè Fidisitēēbe tuokoo képité Defaimmu biriku miēke. ¹⁰ Kè Dafiti beé nti Yiè nKuyie nke dò: Kè ñ kòte ke dokénè Fidisitēēbe á bè ānné n nou miēkaà? Kè ti Yiè nKuyie nhò tēñné ke dò: Kòte! N yóò bè ānnému a nou miēke.

¹¹ Kè Dafitii kòte ké bè do Baadi-Pedasimmū kēna Fidisitēēbe kébéi nke dò: Nè n nòutè nte Kuyie mpètémè n dootitǎbè meniē nhǎǎ kpété mēè boti kukpéroo.

Dèè te kè bè yu de kó dibòrì ke tú Baadi-Pedasimmū. ¹² Kè Fidisitēēbe coké kébuónko bè bǎkè, kè Dafitii duó nkè bèe yè còu.

13 Kè dèe yí kè Fidisitēēbe ítení kēpitē Defaiibe biriku. 14 Kè Dafiti wēte kēbeé ti Yiè nKuyie nkè kùu ò nàké ke dò: A báá bè do be fōnkúò bíékè, á kónté medétimè kè bè dinté, detie mbè tu dè mukokudiè de kó kubiriku pēémè. 15 Kàa kèè dii mōnni kunampoo makù detie nyómmè á kétóo kè bè do, ke yé de mōnni ndi n kèróomè ke bo do Fidisitēēbe āpòmbè kè bè poté.

16 Kè Dafitii dōò ti Yiè nKuyie nhò nàké tì, kè bèe poté Fidisitēēbe kó behāpòmbè, kè bè bèti Kabaōō kéntō kētuakenè Kesee. 17 De mōnni kè Dafiti yètìrìi feitè dihèi dimōu mieke, kè ti Yiè nKuyie nduó nkè ibotí tēi ò yōte.

15

Dafiti bàátimè ke bo kote kētuóté Kuyie ntaummè tau

1 Kè Dafitii maá sicēi dihèi bè tu di Dafiti èi, kèdeè kētūnte ti Yiè nKuyie ntaummè tau yó nyīkú dè kédōò ditou. 2 Kè Dafitii bēi nkè dò: Kè dè í tú Defiibe tí í do nkéna kētuóté ti Yiè nKuyie ntaummè tau, ke yé ti Yiè nKuyie mbe ntāātémè kè bè bo ndi tau, ke pī ndi kó mutōmmú sãã.

3 Kè Dafitii tí nyIsidayeeribe bemou Sedisademu mieke, kè bè bo kote kēkonnēnni ti Yiè nKuyie ntaummè tau kè di tanné kēinné kudieku ò tūnte kù di kpéi. 4 Kòo tí nhAnō yaabí ikuó niùbè nè Defiibe bemou, 5 kè Udiyēdi mbaké Keati kó kunaàmùnkù nè o tebí kè bèe wēnné kēmbō tekòutè nè sipísidé (120). 6 Kè Asaya mbaké Medadi kaku nè o tebí kè bè mbo sikòusidé nè sipísidé (220). 7 Kè Sowēeri mbaké Kerisonni kó kunaàmùnkù nè o tebí kè bè mbo tekòutè nè

sipísitàāti (130). ⁸ Kè Semmaya mbaké Edisafāā kó kunaàmùnkù nè o tebíi kè bè ríbo sikòusidé (200). ⁹ Kè Ediyēeri mbaké Ebunəə kó kunaàmùnkù nè o tebíi kè bè ríbo sipísini. ¹⁰ Kè Amminadabu mbaké Usayēedi kó kunaàmùnkù miēke nè o tebíi kè bè ríbo tekòutè nè tepíitè nè bèdébè (112). ¹¹ Kè Dafitii yú ikuó nìùbè Sadəki nè Abiataa kényúnè Defiibe bèkuò, Udiēdi nè Asaya nè Sowēeri Semmaya Ediyēeri Amminadabu. ¹² Kòò dò: Dī tu bèè baké Defiibe naàmùnti, dəənnè dimáà mēwénkùmè kó ikuó, dindi nè di tebíi kékəte kétúóténí ti Yiè nKuyie tinti nyIsidayēeribe tū nkù taummè tau ké di tanné n tūnte dii bòrì di kpéi. ¹³ Ti do yóó di təní meketimè mōnni kè di í bo, kè deè nte kè ti Yiè nKuyie nti poté, ti í tūnne mèè kpéi nku kuó yē nde ndòmmè.

¹⁴ De mōnni kè ikuó nìùbè nè Defiibe kè bèè dəə bēməá mēwénkùmè kó ikuó ke bo túóténí ti Yiè nKuyie nyIsidayēeribe tū nkù taummè tau. ¹⁵ Defiibe bèè do di tounè ipààti ke ní ndi bukú ti Yiè nKuyie ndo nàké Məyiisi ke yē ndè ndòmmè. ¹⁶ Kè Dafitii náké Defiibe kó benìùbè kè dò bèè tǎáté be tebíi miēke bēdēmbè bèè nə nke bie ntikùtidùùti nè tibómbonti nè tikāpentì. Kè bè ndiè nke déúkunko ti Yiè nKuyie nyètìrì nè diwèi. ¹⁷ Kè Defiibe tǎáté Sowēeri birē Emanni nè Bedekia birē Asafu, kētǎáté Medadi kó kunaàmùnkù miēke Kusaya birē Edanni. ¹⁸ Ke né yíénè be tebíi sù do bè teénné mutōmmú ke baànè yebòrè Sakarii nè Bennii nè Yaasiēdi nè Semidaməti nè Yeiyeedi nè Unni nè Ediabu nè Bennaya nè Maseya nè Matitia nè Edifedeu nè Mikinēya nè Obēdi Edəmmu nè Yeiyeedi. ¹⁹ Be miēke Emanni nè Asafu nè Etanni bèè do nə nke bie ntikāpentì disəwũḏ kpeti tìi kuò mmediè.

20 Sakarii nè Asiyeedi nè Semidamōti nè Yeyeedi nè Unni nè Ediabu nè Maseya nè Bennaya kè bè mbie ntikùtìdùùtì metammè daamè kpèti. 21 Kè Matitia nè Edifedeu nè Mikinɛya nè Obedi Edōmmu nè Yeyeedi nè Asasiaa beè do bie ntikùtìdùùtì iwěĩ ìni kpèti, beè do niù iyie. 22 Defiibe kó bekótìbè miεke Kenannia weè do ni bèè t̃au metaummè t̃au, ò yē mēè kpéi de kó mutōmmú. 23-24 Bedekia nè Edikanaa nè Obedi-Edōmmu nè Sesia beè do te yebòrè kó mubàrìmù kè beè mbaà metaummè t̃au. Ikuó niùbè Sebanniya nè Sosafati nè Netanneyeedi nè Amasaii nè Sakarii nè Bennaya nè Ediesee beè do eu siheú ti Yiè nKuyie ntaummè t̃au ìkè.

*Kuyie ntaummè t̃au konnìmè Sedisademmu
(Wénté 2 Samuɛeri 6:12-19)*

25 Dafiti nè Isidayeeribe kó bekótìbè nè bèè ni behāāpòmbè tekoupiítè (1000) kè beè íté kékote ke bo túóténí ti Yiè nKuyie ntaummè t̃au Obedi Edōmmu cīētè kè ndi kũntinní kè dè dò ndibanni mediè. 26 Kè beè fié yenaadakè yèyiekè nè yepedakè yèyiekè kè dè bo yie nkè ti Yiè nKuyie nteennè Defiibe bèè t̃au ti Yiè nKuyie ntaummè t̃au. 27 Dafiti do ní mmupààkonkperímù kó diyaàbòrì ndi kénó ntekoutéyaàbòtè péítè, bè dùàkenè t̃e mupààkommú sààmù. Kè Defiibe beè do t̃au ti Yiè nKuyie ntaummè t̃au nè Kannia weè do bè ni de kó mutōmmú miεke kè bè dàátí yèè yaàbòrè botí. 28 Kè Isidayeeribe bemau ntóní ti Yiè nKuyie ntaummè t̃au ke íútí nè diwèi ke eu ditāteheú nè sihāāpònheú ke bie nyebàrè nè tikāpentì nè tikùtìdùùtì nè tibóbontì.

29 Ti Yiè nKuyie ntaummè t̃au tùàkení dìi mōnnì Dafiti eì kè Sauri kóo sapàà Mikaadi nsíékéní tebòtè

kéyà okpààti Dafiti aumè ke puù. Kòo sènkèrì Dafiti.

16

¹ Kè bèe tuωkenè ti Yiè nKuyie ntaummè tou ké di tanné ditou Dafiti do dòò di, ké di ìnné de cuokè kè Dafitii fié ti Yiè nKuyie nyiwũs kétuω kéfié itei metaummè kpeyi. ² Ò dèè dì m̀nni kémω ti Yiè nKuyie nkó mesàà Isidayεεribe ìnkè, ³ kédeè ké bè totí tidiiti, benitidaabè nè benitipòbè, kéduó mbá wè p̀èè nè dikàtindàà bè d̀̀nè di yetebe bè tu yè dátì, nè dikàtindàà bè d̀̀ò nè di f̀nyĩ kó yetebe kperè.

Defiibe dièmmè ke sántí ti Yiè nKuyie

(Wénté Yesã 105:1-15 nè 76 nè 106:1, 47-48)

⁴ Bè dèè memme kè Dafitii cónné ti Yiè nKuyie ntaummè tou ìkè Defiibe, kè bè bo nkù d̀nti ke kù sántí, ke déúkũnko ku yètiri, kunku ti Yiè nKuyie nyIsidayεεribe tũ nkù. ⁵ Asafu weè do bè baké kè Sakarii ò p̀oko, kéyíénè Yasiedi nè Semidamoti nè Yeiyeedi nè Matitia nè Ediabu nè Bennaya nè Obedi Edõmmu nè Yeiyeedi, kè bè mbie ntibómbonti nè tikùtidùùti, kè Asafu bie ntikāpenti. ⁶ Kè ikuó niùbè Bennaya nè Yayεedi kè bè eu sihãāp̀onheú ti Yiè nKuyie ntaummè tou ìkè bá bè í ompu. ⁷ De kó diyie do tú diketiri ndi Dafiti duómmè kè Asafu nè o kabe kè bè bo sãnte ti Yiè nKuyie.

Bè d̀ntèmmè feyènfè

⁸ Déúkũnnenè ti Yiè nKuyie nyètiri, ndontinè ku.

Nákénè ibotí miεε tidiētì kù d̀̀ò tì.

⁹ Ndiènnè ke kù sántí mbiennè debémbénnè ku kpéi.

Totínè di yèmmè tidiētì kù d̀̀ò tì kpéi.

10 Mpɔ̀tìnè ku, kunku kùù kpa meyei,
kè diwèi ndi bo díndi bèè wanti ti Yiè nKuyie.

11 Wète kéwammúnè ti Yiè nKuyie nè ku wèrímu
nè ku kpeti,

nwantinè di bo nkù tákénèmè sáá.

12 Dentenèní tidiètì kù dòò tì
nè ku tõmmú càncàmmù,
Dentenèní tibeéntì kù nàké tì kpéí.

13 Díndi ku kóo tǎntì Isidayeeri kó feyanfè
díndi Sakɔ̀bu yaàbí kù tǎáté ì.

14 Kuù tu ti Yiè nKuyie,
kuù bekùnè ketenkè kemou.

15 Di báá yè nku taummè kpéí.

Di báá yè ku tannò kù dǎu nyè yó mbomu sáá
nè ti bo mbomè.

16 Báá yènnè metaummè
kù do dǎ̀nèmè Abarahammu
nyénè kù dǎ̀unnè dii nùù Isaki.

17 Kù tǎáté ke yóó dǎ̀ò tì Sakɔ̀bu,
kù dǎ̀ò mèè taummè nè Isidayeeri
mè í yóó deè.

18 Kù béimmu ke tú:
n yóó da duómму Kannahã kó ketenkè.
N duómму de kó ketenkè fǎ́ nnè a yaàbíó.

19 Bá nè di í me nsũmè, ke í tú bèmabè,
ke tú bepòòbè.

20 Di do òõ ta ku mbotí kéyè kéta kutekù nku,
kéta di nkpààtiyuu kécánté diteri.

21 Kuyie mme nyí yóu kè bè di fǎ́ũ
kù do puotìmu bekpààtìbè di kpéí.

22 Ke tú bè báá kááké ku nìtìbè kù tǎáté bè
ku pǎ́nǎ̀antì náambè mbe bè báá bè cààrè.

23 Ketenkè kemou kòbe,
ndiennè ti Yiè nKuyie nkpéí.
Mpĩèkùnè yewe duómè tináansààti
ku deetímè kpeti.

24 Nákénè yebotè ku kó tikpeti kpeí,
nákénè ibotí tidietì kù dḡò tì.

25 Kε yé ti Yiè nKuyie ndeumè,
ke dḡò nti nkù sántí,
kuù pḡḡtè yebòkè yemou ke dḡò nti nkù dé.

26 Yebotè tũ nyebòkè nye,
ti Yiè nKuyie nkuù dḡò keĩnkè.

27 Tikpeti nè kuwenniku diekù dè bo ku borè nde.
Muwḡrímú nè diwèi dè bo kuù borè.

28 Kutenkù kumou kòbe,
ńsántínè ti Yiè nKuyie,
ndontinè ku,
ku kpeti nè ku wḡrímú de kpeí.

29 Ndéúkunkonè ti Yiè nKuyie nyètiri.
Tḡnèní yepārè kékḡtenèní ku borè.
Kḡnkenè ku ìkè,
ké nkù sántí kù dḡò mpáí pái nwe.

30 Kutenkù kumou kòbe, ńkpeutínè!
Ketenkè fiíkúmu ke í nampú.

31 Keĩnkè kòbe diwèi ndi bo,
ketenkè kòbe, ńyānkunè!
Nákénè yebotè miεε ti Yiè nKuyie nkuù bakémè.

32 Dáméèrì nè dèè bo o miεε, nyḡḡtinè!
Dikpàà nè dèè kó dimàà bo di miεε, nyānkunè!

33 Titúútì kó detie nyíútínè ti Yiè nKuyie nkpéí.
Kù kèrínímu ke yóó bekénè ketenkè kemou.

34 Nsántínè ti Yiè nKuyie,
kù wennimu, kè ku sémmè bo sáà.

Di kù kuónnè ke dò:

³⁵ Ti δεετέ!

Fóò tú ti Yiè nKuyie nkùù ti δεερί,

ti fietε yebotè nou mieke,

ti tí nkè tí ndéúkùnkò a yetìsààrì,

kè tí nda pòtìnè ke da sántí.

³⁶ Ti Yiè nKuyie nyIsidayεεribε tū nkù

ku yètìrì δεumu nsáà.

Kè Isidayεεribε bεmouu cóuté ke dò: Dè mme ndò ti Yiè Kuyie nyètìrì ndeu!

³⁷ Kè Dafiti yóu Asafu nè o tebíí kè bè nkpaá ti Yiè nKuyie ntaummè tou borè ke bo mpí mmutōmmú bè dò nké mmù pīrmè bá dìì yìè. ³⁸ Kè Yedutunni bire Obedi Edōmmu nè Osaa nè be tebíí sipísikùò nè bèni kè bè mbaà yebòrè.

³⁹ Kè Dafitii duó nyikuó nùtì Sadaki nè o tebíí ikuó nùbè tóbè kè bè bo mpí Kuyie ntaummè tou dìì bo Kabaāō kó ditōnni di kó mutōmmú. ⁴⁰ Kè bè nfeu iwūō ti Yiè nKuyie nke tuò ndiwūōtōnni ñnkè, bá dìì kūnweñni nè kuyuoku, kéntū nyikuó ti Yiè nKuyie nduó nyi Isidayεεribε, ⁴¹ kényíénè Emanni nè Yedutunni nè besōmbε bè do yu bèè yètè ké bè tāāté kè bè bo nsántí ti Yiè nKuyie ke yé kù sémmè δεumè sáà. ⁴² Emanni nè Yedutunni bèè do eu sihāpònheú ke biennè tikāpentì ke biennè ti Yiè nKuyie nkó iyie nkó debémbénnè kè Yedutunni bí baa dibòrì.

⁴³ Dende kó difōnkúò kè bèε kũũ mbe cēí. Kè Dafitii kò nho cētè ke bo pā o kabε mesàà.

17

*Kuyie ndǝúnnèmè dinìùù Dafiti nè o yaàbí
(Wénté 2 Sammuɣɛɛri 7:1-17)*

¹ Kè Dafiti nbo o cǝtǝtè kénáké Kuyie mpǝānǝāntì nǝāntò Natǝā ke dǝ: Nte mí nke ā detekperè kó tǝcǝtǝtè, kè ti Yiè nKuyie ntaummè tou ñkú ditou bè dǝǝnè dì tiyǝàtì. ² Kè Natǝā ò tǝǝnné ke dǝ: A yèmmè dǝ nhá dǝǝ tìi kó dimàà, dǝǝ tì, Kuyie nda bonèmu.

³ De kó keyènkè kè Kuyie nnáké Natǝā ke dǝ: ⁴ Kǝtǝ kénáké n kóo tǝntì Dafiti ke dǝ: Mí ndi Yiè nKuyie n tú, weè í yó m maá tǝcǝtǝtè n yó nhǝ tǝ. ⁵ Nè n dènnení dǝi yiè Isidayɛɛribe Esibiti èi mieke n yí ta tǝcǝtǝtè matè mieke nè yíenní. N do bè nǝínè, ke ā metaummè tou ndi. ⁶ Nè m bonè dǝi daà Isidayɛɛribe be cǝmmu mieke ke bè duǝ mbabaatǝbè, m bá mbeke Isidayɛɛribe kóo niùtì mǝù, ke tú ò m maá tǝcǝtǝtè nè detekperè kó idǝí?

⁷ Á kǝtǝ kénáké n kóo tǝntì Dafiti ke dǝ: Mí ndi Yiè nKuyie Mpakɛdaa mǝi tu ò do cǝmmù ipe nyi kè nh ò tǝāté kòò naá nyIsidayɛɛribe kóo kpààtì. ⁸ Kè nní nhò niènè ò kǝrì yǝè bǝrè yemǝu, kè mǝi kǝu o dootitǝbè bèè do ò wetí bemǝu. Ke dǝúkǝnne o yètìrì kè dì màatenè ketenkè kó bekpààtìbè kpɛye. ⁹ N yóó duómmu n nìtìbè Isidayɛɛribe dikarì kè bè kǝnne kè bè ndè bo ke í yǝèkù, kè ibotí yeyi kó benìtìbè tǝnke báá bè fǝũ, bè do bè fǝũnko mǝè botí. ¹⁰ N kǝnne dǝi mǝnnì bebaatǝbè kè bè mbe baké. N yóó duómmu kòo dootitǝbè ò bǝúté. M béimmu ke tú n yóó ò duómmu tǝcǝtǝtè. ¹¹ Ò we bo tuǝke dǝi mǝnnì, kòo kò nho yembè kǝũ nkè, o kó difǝnkúò m bo tǝāté o bí o pǝité ì mieke o birɛ marè kè dǝe sǝtè o kpàtì kè n tì

fíí. ¹² Dεε yó m maá tεcǐtètè kè n fíí ndε kpààtikàrì, kè dì mbo sǎã. ¹³ Kè nni ntú dε cice kè dè tu m birε, n yí yóó nóté n kó mesàà ndε Ìnkè n do mè nóté mèè botí okpààtì wèè ò niiténè kε di tikpàtì. ¹⁴ Dεε yó mbaké n nìtìbè sǎã nè n kpààtiyuu kè dε kpàtì mbo sǎã.

¹⁵ Mεmε Natã nàkémè Dafiti Kuyie nhò benke tì timou.

Dafiti bàntèmè Kuyie

(Wénté 2 Samuuyeri 7:18-29)

¹⁶ Kè Dafitii kεte Kuyie ntaummè tou borè kéta ké kù bántè kε dò: Áú n Yiè nKuyie, n tú we? N cǐtètè tu ònte, kàa n dǎò mesàà a mè nni ndǎò mè, ¹⁷ kε wúó nkè dè í sànnè kàa nàá ndè yó mboní kàa dǎò dè mí nha kóo tǎntì n cǐtètè. N Yiè nKuyie a n wènté kè dè dò n tú onitidiεwè mǎu nwe. ¹⁸ Mí nDafiti n ténke né bo da béinnè ònti? A n yémèmu mí nha kóo tǎntì kε baa né dó ké n déúkunnε. ¹⁹ Ti Yiè nKuyie! A n dó mèè kpéí nte kàa pǐ ndε kó mutǎndiemù kε bo benke a dεumè kε í mǎkε kumànkú. ²⁰ Ti Yiè nKuyie! Òmǎu í bo wèè da dǎnnè. Bè ti nàkémú a dǎò dèè kó dimàà, òmǎu í bo wèè da dǎnnè. ²¹ Kubotí makù í bo ketenkè kie nyǐnkè kùu dǎnnè a nìtìbè Isidayeribe a kàtení kε dεeté bè Esibiti kε bè dǎò a nìtìbè kε ni kè betì ibotí tεì. A yètìrì bo dεuke mèè kpéí nkè bè da yote dεè te kàa pǐ ndε kó mutǎndiemù. ²² A tǎáté a nìtìbè Isidayeribe kè bè bo ntú a nìtìbè mbe sǎã. Fǒ nti Yiè nKuyie nkàa bè te. ²³ Ti Yiè nKuyie, a búi ntì mí nha kóo tǎntì n kpéí nnè a dǎúnnè dǐi nùu n cǐtètè kpéí ndì pǐ nsǎã ké dì dǎò, a búi nke yē ndè ndòmme. ²⁴ Á nti pǐ nkè dèε yie nkàa yètìrì ndεu,

kè benìtibè béi nke dò: Ti Yiè nKuyie Mpakεdaa weè te Isidayεεriβε, kàa fíí mmí nha kóo tǒntì Dafiti n cǐētè. ²⁵ Kε yé fǐ nha mómmuε fǐǐ béi nke tú a bo n duó ntecǐētè bèè yóó sǒtè n kpàtì, kè deè te kè n dàátí ke da báá. ²⁶ Áú! Ti Yiè nKuyie fǐǐ tu Kuyie, ke béi mmesàà a yó n dǒò mè mí nha kóo tǒntì. ²⁷ A dómu kédǒò a kóo tǒntì cǐētè mesàà kè dèe yie nkòo cǐētè nsaké tikpàtì sǎà. Kε yé ti Yiè nKuyie nha ò nkàa pǎ dè mesàà mè ò mbomu sǎà.

18

Dafiti namè be pεetitǒbè
(Wénté 2 Sammuyεεri 8:1-14)

¹ Kè Dafitii na Fidisitēēβε kéfiete Kadi kó diheì nè yehékè yèè bè tǒkénè. Kè Fidisitēēβεε ò bǒuté. ² Kòo nanè Mǒabu èi kǒβε kè bèε ò bǒuté ké nhò yietì dàmpòò. ³ Kòo yíé kéna Tisoba èi diì bo Amati tempē mbíékè di kóo kpààtì Adadesεε ke sǐ nhò dǒ kébaaté kukó nhEfadati pεémmè kǒβε. ⁴ Kè Dafitii fiete sikpàrìnaasēī tekǒupíítè (1000) nè behǎǎpǒnsǎndèèbè sikǒupísìyiekè (7000) nè behǎǎpǒmbè bèè cèntì nè be naàcèi sikǒupíísìdè (2000) kékéké sikpàrisēī duati késúó nhomáà tekǒutè (100). ⁵ Kè Sidii kǒβε bèè bo Damaasi kè bèε kǒtení kétee Tisoba kóo kpààtì Adadesεε kè Dafitii kuε benìtibè sikǒupíísìdè nè sikǒupísìdè (22000), ⁶ kékanne kùmàndáàbè de kó kutempē mmieke kè bèε ò bǒuté ké nhò yietì dàmpòò. Kè ti Yiè nKuyie nduó nDafiti muwērímú, bá kòò kǒte kèè bíékè wèe na. ⁷ Kòo fiete Adadesεε āǎpǒmbè dǒpìitì mesǒ nkpeti kékònnè Sedisademmu, ⁸ kéhéi disǒwũǒ mediè Adadesεε kó yehékè yèdéyè Tibati nè Kūnni

ye miεke. Kè dè mboní kè Sadowəə túóté de kó disəwũḏ kédə̀nè kunankú nè yesā̀nkè nè ti Yiè nKuyie ncī̀tè kó tinenti.

⁹ Kè Amati kóo kpà̀ati Touu keè Dafiti namè Tisoba eì kóo kpà̀ati Adadesεε ā̀pòmbè bεməu, ¹⁰ kētṣo nho bire Adodammu okpà̀ati Dafiti borè kòò bo ò dəu nkòò sā̀ntenè ò namè Adadesεε, kóò pā̀ nè mesəə nkó tinenti nè timáti péiti kpeti nè disəwũḏ kpeti. Ke yé Tou dootitə̀u do túmè Adadesεε. ¹¹ Kòo kpà̀ati Dafiti de pā̀ ti Yiè nKuyie nnè timáti péiti nè mesəə nhò do eì dè ibotí tɛi miεke, Edəmmu eì nè Məabu eì nè Aməniibe eì nè Fidisitḕε eì nè Amadeki kperi.

¹² Kè Seduia bire Abikaii do Edomiibe kékuə bεnitibè təkəupííitè nè sikəupísini (18000) kubiriku bè tu kù mukókúy nkó kubiriku miεke, ¹³ kékanne kùmandáàbè Edəmmu kó kutempē nkuməu miεke, kè Edəmmu kəbe bεməuu naá nDafiti kó betōmbè, kè ti Yiè nKuyie nhò duó muwḗrímu bá kòò kəté kè mudoò wèe na.

*Okpà̀ati Dafiti tōmbè kó yeyètè
(Wénté 2 Sammuyεeri 8:15-18)*

¹⁴ Kè Dafiti mbaké Isidayεεribe bεməu, ke bè dò̀ri dèè wenni ke bè bekùnè kè dè wenni. ¹⁵ Seduya bire Soabu wèe do baké behā̀pòmbè, kè Aidudi bire Yosafati tu wèe tə̀ dihèi kó yepáte. ¹⁶ Kè Aitubu bire Sadəki nè Abiataa bire Abimədəki kè bè tu ikuó niübè, kè Safesaa tu opátíwā̀ati. ¹⁷ Kè Yoyada bire Bennaya baké Kedetiibe nè Pedesiibe bèè bàa təkpà̀aticī̀tè kè Dafiti bí o tũnko.

19

*Bè diímmè Dafiti kó betũmbè ifei
(Wénté 2 Sammuyeri 10:1-5)*

¹ Dendε kó difõnkúò kè Amõniibe kóo kpààti Naasii kú kòo birεε sɔɔté o kpàti. ² Kè Dafiti dò: M bo dɔ̀d̀ Naasi birε Anunni mesàà, ke yé o cice do n d̀d̀m̀m̀ mesàà. Merimε ò tõmmè benitibè kè bè bo ò d̀ou nho cice kũũ kóò bàntè. Kè betõmbèε tuakoo Amõniibe èi Anunni borè ke bo ò bàntè. ³ Kè Amõniibe kóo kpààti tũmbèε náké Anunni ke d̀: A yèmmè d̀o nDafiti d̀ó kédéúkũnnε a cice yètiri ndi ke tũnní kè bè bo da bántàà? Ò í bè tũnní kè bè bo paaté dihei ndi kéwētení kè di pòntàà?

⁴ Kè Anunni duó nkè bèε pĩ nDafiti tũmbè kékuó be dεembli kékéké be yaàbòrè kébennénè be f̀ ke né bè bèti. ⁵ Kè ifeii bè auté mediè nkè Dafitii keè t̀i t̀ù̀d̀kení o tũmbè kètõ mbenitibè kè bèε bè co, kè bè náké ke d̀: Dafiti yé ndi nkpaáo Sedikoo ke kémúnè di dεembli bo yènnímè kè di né na kékonní.

*Dafiti kpannèmè Amõniibe nè Asidii èi kabe
(Wénté 2 Sammuyeri 10:6-19)*

⁶ Kè Amõniibeε banté bè wèntémè Dafiti, kè Anunni nè o kabe Amõniibe kè bèε yieti medítibii tekoupiítè (10000) Sidii èi kabe bèè bo Mesopotamii, nè Maaka kabe nè Tisoba kabe kè bè bo bè duõnní behãpòmbè nè behãpònsàndèèbè nè sikpàrinaasẽi. ⁷ Kè bèε túóté sikpàrinaasẽi sikoupiísitàãti nè sikoupiísidé (32000) nè okpàati Maaka nè o kabe kè bèε kateni kébáté Medebaa ìkè. Kè Amõniibe yènní be ekè kè bèε wènné ke bo do Dafiti nè o kabe mudoò.

8 Kè Dafiti tì kèè kédúónko o ããpònkòtì Soabu nè behããpòmbè bemou bèè nò mmudòò. 9 Kè Amòniibe yènní kérénné kudookòti dihei kó dibòrinùù kè bekpààtibè bèè do kàtení ke bo bè tee kè bembè nhoke dikpàà miεke. 10 Kè Soabu yà ò yóó bootemè o dootitòbè tipíiti tidéti bie nho ìikè, betòbè o fònkúò, kètãátè Isidayεeribe ããpòmbè miεke bèè nò mmudòò kè bèe wetínné Sidii kòbe. 11 Kè Soabuu túóté behããpòmbè sòmbè kédúó nho tebite Abikaii kè wenwe nè betòbè kè bèe wetínné Amòniibe. 12 Kòo náké Abikaii ke dò: Kàa yà kè Sidii kòbe bo n na, á kàtení ké n teennè. Kè Amòniibe bèè me ndó ké da na, n kòtoo ké da teennè. 13 Yáúkùnnε a kònti kè tí dokénè dikòmbùò kédεεté ti nìtibè nè ti Yiè nKuyie nti tũ nkù kó yehekè. Kùu dàò kù dómè.

14 Soabu nè o kó dihããpòntínni kè bèe kété ke bo dokénè Sidii kó behããpòmbè kè bèe coké. 15 Amòniibe yà dii mònni Sidii kòbe cokémè, kécoké Soabu tebite Abikaii kékò mbe εi. Kè Soabuu kò nSedisadεmmu.

16 Kè Sidii kòbeε yà Isidayεeribe bè namè, kété nkè bèe ínní be kòbe bèè bo kukó nhEfadati kó diyáà. Kè Adadesεε kóo ããpònkòtì Sofaki mbè ni. 17 Kè bèe ti náké Dafiti kòò tí nyIsidayεeribe bemou késénté Suditεε kétuoke kécómmú ké bè wetínné ké bè do mudoò. 18 Dafiti nè o kó behããpòmbè kè bèe bè na kè bèe coké kè Dafiti nè o kòbe kè bèe kuò bèè dèke sikpàrinaaséí sikòupísiyiekè (7000) nè bèè cènti sinaàcèi sikòupísinàà (40000) kékùonè ohããpònkòtì Sofaki wèè do bè ni.

19 Kè bekpààtibè bèè do teénnè Adadesεε kè bèe yà Isidayεeribe bè namè kè bèe yie Dafiti kpeti kèmpí

nho tõmmú bá Sidii kàbe ténke í nyie nke teennè mudoò Amõniibe.

20

Dafiti cõtémè Dabaa èi
(Wénté 2 Sammuyeri 11:1. 12:26-31)

¹ Kè dibenni teri yènní, bekpààtibè ãã keté dii mònni mudoò, kè Soabuu niité dihããpòntĩnni dieri, kè bèe do Amõniibe tempè nké bè pònte, képi Dabaa èi.

De mònni kè Dafiti wenwe bo Sedisademma, kè Soabuu poté Dabaa èi kàbe ké bè pònte. ² Kè Dafitii túóté be kóo kpààti òké dii sòpìi, kè di cèékù tùòke cidóòbè sipísitàãti kè di dàri ditásàari dii donku kpeñni ke di òkù, kéheínè tinenti teti péu kékonnènni. ³ Kòo pĩmmúnè benitibè bèè do bo dihei kékonnè ké bè pĩnné tidaati kó mutõmmú, kè bè nsóũ tidabeeti, ke duò, ke kũũ ideí, ke me nyĩ Amõniibe ekè kàbe tóbè. Menime Dafiti kòmmè Sedisademma nè o ããpòmbè bemou.

Dafiti dokénèmè Fidisitèèbe
(Wénté 2 Sammuyeri 21:18-22)

⁴ De kó mudoò kó difõnkúò kè mudoò tẽmũu ànné Kesedi èi Isidayeriibe nè Fidisitèèbe be cuokè, muu mieke nke Sibekaii Usaa èi kou kũòmè Defaii boti kou m̀ou Sipaii. Kè Fidisitèèbe b̀outé Isidayeriibe. ⁵ Kè mudoò tẽmũu wẽte kéãnnénè Fidisitèèbe bake. Kè Yaii bire Edananni kuò Damì Kadi èi kou, Kodiyati nantè, kòo kpãnni kó kudóu cèékù m̀annè kuyaàdùòdóu. ⁶ Kè mudoò tẽmũu yíe kéãnné Kadi, kòo niti m̀ou dè bo ke okù mediè, ke m̀ake inómbi ìkuò ìkuò o naàcèi nè o nou kè ì wènné sipísidè nè

ìnàà. Ò do tú Adafaa naàmùnkù kou nwe. ⁷ Kòo sáá nyIsidayeeribe kè Dafiti tebite Simma birè Yonnatã ò kùò.

⁸ Dè kó benìtibè do tú Kadi èi kou Adafaa naàmùnkù kòbe mbe, Dafiti nè o ããpòmbè kè bèe bè kùò.

21

*Dafiti do kààmmè Isidayeeribe
(Wénté 2 Samuuyeri 24:1-9)*

¹ Kè dibòò ndó kédòò Isidayeeribe meyi, kénampè Dafiti yèmmè kòo bo kaa nyIsidayeeribe. ² Kè Dafitii náké Soabu nè o tũmbè ke dò: Kòtenè kékaa ny-Isidayeeribe kétúóté Beerisebaa èi kèntò kétuàkenè Danni kpèri. Kè di dèè di n náké kè nní nyé bè màmè.

³ Kòo ò tẽnné ke dò: N dómu ti Yiè nKuyie nduó nkè ku nìtibèe sũũ nképèèté miè nkuce tekòutè (100). N yiè nhokpààti, bemòu bè í tú a kó betõmbàà? Dè dòmme kàa dó ké bè kàa? Ba nte kàa dó kètanné Isidayeeribe meyi mmieke?

⁴ Kòo kpààti baa mpĩ nho béi ntì, kè Soabuu íté kéce nyIsidayeeribe tenkè kemòu, kèwètení Sedisadèmmu, ⁵ kénáké Dafiti ò kàa mbenìtibè kè bè màmè. Kè Isidayeeribe kó behããpòmbè bemòu mbo tekòupíkòupíitè nè tekòupíkòutè (1100000). Kè Sudaa kòbe mbo sikòupíkòùsìnàà nè sikòupírisiyiekè (470000).

⁶ Soabu í nkàannè Defii kó kuwuò nkòbe, nè Bensamèe kòku kòbe ke yé ò do wúómmè okpààti béi ndì nùù isòke nyi.

*Kuyie mpotémè Isidayeeribe Dafiti caàrimè kpéi
(Wénté 2 Samuuyeri 24.10-17)*

7 Merímε kè dèε yonke Kuyie nkè kùu poté Isidayεεriβε. 8 Kè Dafitii kù kuónnè ke dò: N cààrè mediè mme m bantému n dǝdǝmè tiyεintì nti, n cǝé ndε kó mecaàrìmè.

9 Kè ti Yiè nKuyie mbéinnè ku pǝānǝāntì nǝāntò wèè do bonè Dafiti ke dò: 10 Kǝte kénáké Dafiti ke dò: Mí ndi Yiè nKuyie n tú nh ò duó ntiyǝīti nti títǝāti kè tú wèè tǝāté ò dǝ kù, kè n kù nhò poté.

11 Kè Kadii kǝte kénáké Dafiti ke dò: Ti Yiè nKuyie ntu: 12 Kǝa dǝ dikǝnnì dii bo tannímè yεbie nyètǝāti, á tǝāté, kǝa me ndǝ di dootitǝbè beε bo di namè kè ndi kǝu ke dò betǝābè bètǝāti á tǝāté, kǝa me ndǝ ti Yiè nKuyie mbo di potémè mme yewe yètǝāti kè benitibè nkǝ dihei, kè ti Yiè nKuyie ntǝnnì duónnì mutenkũũ nyIsidayεεriβε tempǝ nkumǝu mieke, á tǝāté. Totí a yemmè kè n náké n yóó náké tì wèè n tǝnnì.

13 Kè Dafitii tǝnné Kadi ke dò: N yemmè cààrè mediè mme, kè ti do ti Yiè nKuyie nnǝutè mieke dè ntǝũmu, ke yǝ kù sémmè deumè. N yí dǝ kédò n nititǝu nǝu mieke.

14 Kè ti Yiè nKuyie nduǝnnì mutenkũũ nyIsidayεεriβε. Kè benitibèε kù sikǝupípisiyiekè (70000). 15 Kè ti Yiè nKuyie ntǝ nku tǝnnì marì kè di bo pǝnte Sedisadεmmu. Ti Yiè nKuyie nyà dii mǝnnì ku tǝnnì kǝumè benitibè kè mesémmèε kù pǝ, nkè kù dò: Dè sǝnnèmu memme tǝnke báá poté.

Ke sǝ ndi berínè Sebusiibe botí kou mǝu bè tu wè Odinnì o kó kuyié borè. 16 Kè Dafitii wénté kǝyà ti Yiè nKuyie ntǝnnì èintemè ke pikú mesebii nke wetí Sedisadεmmu. Ke sǝ Dafiti nè Isidayεεriβε kó bekótibè bè dàátí tifǝtǝntì ke bo

benke be yeñcaàrìmè kédò kénínkóo ketenkè. ¹⁷ Kè Dafitii kuónnè ti Yiè nKuyie nke dò: Míi duó nkè bè kàa mbenìtibè, míi cààrè, míi dòò dèè í wenni, benìtibè í cààrè mùmamù! N Yiè nKuyie nkùù n te poté mí nwe nè n cĭĕtè, báá poté kuyēĩku makù a nìtibè.

Dafiti maámè diwũṣtònni Kuyie nkpeí
(Wénté 2 Sammuyeri 24:18-25)

¹⁸ Kè ti Yiè nKuyie ntōnni náké Kadi ke dò: Náké Dafiti kòo deke Yebusiibe botí kou Odinanni yíe borè ké m maá diwũṣtònni.

¹⁹ Kè Dafitii tūnne ti Yiè nKuyie nnàké tì Kadi kòò tì nhò nàké. ²⁰ Kè Odinanni mpuotì o diiti bè tu tì bèdèè kéwēēte kényàní Kuyie ntōnni, kòo dapùmbí inàà ìì do ò bonè, kè ìì sari. ²¹ Dafiti duunní dìi mōnni Odinanni borè, kè Odinannii wénté kóò yà kényènni o yíe miēke kénínkú Dafiti ìikè kēsīnnōo ketenkè. ²² Kè Dafitii náké Odinanni ke dò: N dó á n duó a yíe nku kè m maá diwũṣtònni ti Yiè nKuyie nkpeí, á kù nni nfíténè kudonku dò nkémmàmè, kè dèe yie nkè ti Yiè nKuyie mpoté kùù yēĩku Isidayeribe kè kùu deè. ²³ Kè Odinannii ò tēhné ke dò: N yíe nhokpààti túóté ku kédòònè a dómè. Nte inààke n yì nda duómmu nè tenaasāntè kó idéi kàa bo féúté inààke kētuonnè, ke da duónnè bèdèè kàa bo kù pā, n dè nda duómmu demou.

²⁴ Kòo kpààtìi náké Odinanni ke dò: Bitì n dó ké kù dontému kudonku dò nkémmàmè, n yí dó kēpā n Yiè nKuyie dèè tu a kperè, dèmarè n yí fēūtè dèè kpéi.

²⁵ Mēmme kè Dafitii donté kuyiè nè inààke, mesəo mmedítibii nsikəusikuò (600), ²⁶ kémaá

dεborè diwũõtònnì, kékua iwũõ nkétua nkéfiénè metaummè kpɛyi, kényú ti Yiè nKuyie nkè kùu yie nkécũũnní muháá ndiwũõtònnì ñnkè ké mùu cóuté ò feuté ìi wũõ. ²⁷ Kè ti Yiè nKuyie mbéinnè ku tōnni kè dii nōnne disie.

²⁸ Dafiti yà ti Yiè nKuyie nhò tēñnémè ò kù mōo ti Sebusiibe botí kou Odinanni yíe miεke, ké ndè nkù feu iwũõ. ²⁹ Mōyiisi do dōò ti Yiè nKuyie ntou di dikpàà miεke nè diwũõtònnì, kè dè bomu Kabaōō èi kó ditònni borè. ³⁰ Dafiti me nyí ndàátí ke bo kè kàte kébántè Kuyie, ò do depe ti Yiè nKuyie ntōnni tō dii siè ndi.

22

¹ Kè Dafitii béi nke dō: Ti Yiè nKuyie ncīētè yó mbo die nde, die nde Isidayεeribe kó diwũõtònni yó mbomè.

Dafiti bàátímè kè bo maá ti Yiè nKuyie ncīētè

² Kè Dafitii duó nkè bèe tíi mberòòbè bèè bo Isidayεeribe tenké miεke, kòo tãnké bèè bo cíéké yetárè kòo maá Kuyie ncīētè. ³ Kè Dafiti waá ntimátì mediè, bè yóó dōònhè tì sikãũ kébaaké yecàkè, nè sineí, bá disōwũõ í ndò nkékaa nkédeè, ⁴ nè detekperè kó ideí bá ì í ndò nkéna kékaa nkédeè, ke yé Sidoniibe nè Tiiri èi kōbe bè ò tōnīmè detekperè kó ideí mediè. ⁵ Memme kè Dafitii béi nke dō: M birε Sado mōo kpaá bennemu de kó mutōmmú weè me ndò nkémaá ti Yiè nKuyie nteciētè kè tè ndeu ke wenni kè bèe fei nte yètìrì kè dii feité dihèi dimōu. M bo ò waá ntingenti. Memme kè Dafitii waá ntingenti mediè nké né na kékú.

Dafiti duómme Sodomə Kuyie ncīètè marimù

⁶ Kè Dafitii yú o birɛ Sodomə kòò nàké kòò bo maá ti Yiè nKuyie nyIsidayɛeribe tũ nkù tɛcīètè. ⁷ Kè Dafiti dò: M birɛ n do dómu m mómumu nkémaá ti Yiè nKuyie nkù n te tɛcīètè. ⁸ Kè kù né n nàké ke tú n doké mediè, ke còú mmenitiyĩ nkè mè sũ, m báá kù maá tɛcīètè bè yó nkərì dè ke kù bàá, n còú mmèè kpéi mmenitiyĩ mmèdiè. ⁹ Kù né n nàkému ke tú m peité dèè birɛ yó mbaké dii m̀nni mudòò í yó mbo, nè de dootitabè dè yóó narikemu. Bè bo ndè yu ke tú Sodomə. Diyètiri dii tu meom̀pùmè. Kè kùu duó nyIsidayɛeribe meom̀pùmè de kpàti timəu miɛke, ¹⁰ deè yóó kù maá tɛcīètè kéntú ku birɛ kè kù tu de cice. Kè kùu fíi nde kpàatikàri, kè dè mbaké Isidayɛeribe sáà. ¹¹ Mèmmè kè Dafitii béi nke dò: M birɛ ti Yiè nKuyie nní nda bonè, kàa na ké kù maá tɛcīètè. Kù d́ú ndinùù a kpéi ke yè mmè. ¹² Kù da duó mmeciì nkàa nnə nke baàti mesàà nnè meyei, kù bo da duó ndii m̀nni kàa mbaké Isidayɛeribe kéntũ nku kuó kunku kùu da te. ¹³ Kàa tũ nku kuó nè ku tié nkù duó ndè Məyiisi Isidayɛeribe kpéi, a tōmmú muməu bo nyíé! Cómму kètèi nkéməəte dik̀m̀b̀ù̀. Bá nyĩ̀k̀ù̀, kufəwáá mbá nda bo. ¹⁴ N yetoomu ke wáá mmesəə ntónni sikəupísitāāti (3000) ntimāti péiti, tənni sikəupípísitāāti (30000), ke yìénè disəwũ̀̀ nè timāti, bá dè í dò nkékaa nkédeè, ke wáánnè idéi nè yetárè ti Yiè nKuyie ncīètè marimù kpéi, kàa né yóó wəte kényé. ¹⁵ A məkemu betəmbè péu: Betácíèbè nè bəmaribè nè bədabəesũ̀̀bè nè bəyántibè, bəməu kè bè yé mutōmmú muməu. ¹⁶ Məsəə nnè timāti

péítì nè timátì, dè í dò nkékaa nkédeè. Íté kékété mutõmmú. Ti Yiè nKuyie nní nda bonè!

¹⁷ Mèmmè kè Dafitii duó ndinùù Isidayεεribe kó bekótíbè bemou ke dò: Dí teennè m bire Sodomoo. ¹⁸ Ti Yiè nKuyie nkùù di te kù di bonèmu. Kuù di duó mmeomòpùmè tipíùti timou, kuù ànné bèè bo dihei diù mmieke n nòutè mieke, kè bè bòútè ti Yiè nKuyie nnè ku nìtibè. ¹⁹ Duónnè dimàà ti Yiè nKuyie nnè di yèmmè memou kunku kùù di te. Íténè ké kù maá tecĩètè, kètóní ti Yiè nKuyie ntaummè tou nè ku kuó nenti kèínné tecĩètè di maá tè ku kpéi nte mieke.

23

Bè kàammè Defiibe ke bè duó mbe tõmmú

¹ Dafiti kòté diù mònni mesàà, ké nyóó kú kéduó nho bire Sodomoo tikpàti kòò bo sooté kémbaké Isidayεεribe. ² Kòò tí nyIsidayεεribe kó bekótíbè nè ikuó nìùbè Defiibe.

³ Kè bèe kaa nDefiibe bèè mòke yebie nsipísitàati kèndeètìnko, kè bè mbo benìtibè sikoupípsitàati nè sikoupísini (38000). ⁴ Kè Dafiti dò bèe tãáté benìtibè sikoupípsidé nè sikoupísinàà (24000) bèè bo nni mutõmmú mùù bo ndo nkédòò ti Yiè nKuyie ncĩètè mieke, kètãáté benìtibè sikoupískuò (6000) bèè tu beheikèmpátíwããbè nè bebeémbè, kètãáté bèè bo mbaà yebòrè kè bè mbo sikoupísinàà (4000), ⁵ kètãáté bèè yó ndiè nke bie ntikùtìdùùtì nè debémbénnè Dafiti do dòò dè kè bè bo nsántínè ti Yiè nKuyie, kè bè mbo sikoupísinàà (4000). ⁶ Kè Dafitii totí Defii bí i naàmùntì duó ke dòmmè. Kerisonni kòbe be kòku. Keadi kòbe be kòku. Medadi kòbe be kòku.

7 Kè Kerisonni peité ibí idél, Daedanni nè Simmeii.
 8 Kè Daedannii peité ibí itāāti, Yeyeedi nè Setammu
 nè Sowεeri. Kè Yeyeedii mbè kòtí. 9 Kè Simmeii peité
 ibí itāāti Sedomoti nè Asiyeedi nè Adaa beè do baké
 Daedanni kó sicēī. 10 Kòo bí tēi mbo inàà, Yaati nè
 Sisa nè Yeusi nè Bediya. 11 Yaati weè do bē kòtí, kè
 Sisa nhò pòkoo, Yeusi nè Bediya bē í mmàke ibí péu,
 kè bēe bē kàa nkéwēnné tēcīētē tēmáà.

12 Kè Keati kó ibí mbo inàà, Amudamu nè Isaadi
 nè Ebunoo nè Usiyeedi. 13 Kè Amudamuu peité
 Anoo nè Mōyiisi. Kè bēe cānné Anoo nè o bí ti
 Yiè nKuyie ncīētē kó mutōmmú kpéi n sáà. Bēe
 do dò kēntuò ntihúúnti ti Yiè nKuyie, ke pí nku
 tōmmú, ke ní yú Kuyie nyètìrì kēpā benìtibè mesàà.
 14 Mōyiisi do tú Kuyie nkóo nìtì nwe, kòo bí nwēnné
 Defii kó kuwu. 15 Kè Mōyiisi bí ntú Kerisonni nè
 Ediesee. 16 Kè Kerisonni peité Sebuyeedi kòo nkótí
 o naàmùnkù. 17 Kè Ediesee peité Deabia omáà, kòo
 nkótí o naàmùnkù Ediesee do í peité kè dè nsū. Kòo
 bire Deabia né peité kè dè nsū mediè. 18 Kè Isaadi
 peité Sedomiti kòo ntú okótí o naàmùnkù miēke.
 19 Kè Ebunoo peité Yediyau kòo nkótí o naàmùnkù.
 Kòo nei ntú: Amadia nè Yasiaedi nè Yekamammu.
 20 Kè Usiyeedii peité Miseen kòo nkótí o naàmùnkù
 miēke, kè Isia nhò pòkoo.

21 Kè Medadii peité ibí idél: Madi nè Muusi. Kè
 Madii peité Edeasaa nè Kiisi. 22 Kè Edeasaa kú bá ò í
 mmàke initidabí. Ò do peité initipobí máà ndi, kòo
 nantè Kiisi kó ibí ì puoke. 23 Kè Muusii peité Madi
 nè Edee nè Yedemoti bètāāti.

24 Bèè do tú Defii yaàbí kénkótí be naàmùntì mièke. Kè bèè bè kaa mbè m̀òke diì m̀nni yebie nsipìsìdé kéndèètinko ké bè duó ti Yiè nKuyie ncīètè kó mutōmmú. 25 Dafiti do béimmu ke d̀ò: Ti Yiè nKuyie nduómmu meom̀p̀m̀è ku nìtibè Isidayεεribε, ku m̀ómm̀nku ke yó mbo Sedisadεmmu sãã. 26 Defiβε ténke í yó ntou metaummè tou nè ikuó nenti. 27 Dafiti weè do yè mbè ní wāri Defiβε bè m̀òke diì m̀nni yebie nsipìsìdé kéndèètinko ké bè duó mmutōmmú Kuyie ncīètè mièke. 28 Bèè do te bè bo nteénnèmè ikuó niùbè, Anoo bí ti Yiè nKuyie ncīètè kó mutōmmú, kéndake te d̀antì nè te dieti de kpéí. Bèè do te bè bo ndoerimè ikuó nenti, mewénkùmè kó ikuó. Bèè do te Kuyie ncīètè kó mutōmmú. 29 Bèè d̀ò nkéndake bè pãã ndè Kuyie nde kpéí, p̀éè bè pãã nwè Kuyie nnè muyuo nsààmù bè pãã mmù Kuyie nnè yekàtìndà yèè í kooenè mutie mùù muuti, nè yekàtìndà nè tipémpèñtì, kémbeú bè pãã ndè Kuyie, de c̀éékù nè de okùmè. 30 Bèè do d̀ò nkénsāntímu ti Yiè nKuyie mbá diì kũnweñni nè kuyuoku, 31 kentuò nyiwũõ bè feu ì ti Yiè nKuyie, siom̀p̀usi kó yewe nè betããbè kó yewe ketiyè nè Kuyie nkó yebaa, kentu mbè d̀óú nyikuó ke kèté m̀è fiè mmè duó ke mamè. 32 Bèè do te bè bo ndakemè ti Yiè nKuyie ntaummè tou kpéí, nè ikuó nenti bo kùù fáá. Kè bè ntũ mbe tebíí Anoo bí bè náà nti ke pí ti Yiè nKuyie ncīètè tōmmú.

24

Ikuó niùbè kó yetĩrè

12 Kè bèe tãũ tepíítè nè mèmáà, kè dèe do Ediasibu ñnkè, kè bèe tãũ tepíítè nè medérímmè, kè dèe do Yakimmu ñnkè. 13 Kè bèe tãũ tepíítè nè metáámmè, kè dèe do Upa ñnkè, kè bèe tãũ tepíítè nè menaammè, kè dèe do Yesebabu ñnkè, 14 kè bèe tãũ tepíítè nè menummumè, kè tétée do Bidikaa ñnkè, kè bèe tãũ tepíítè nè mekuómmè, kè dèe do Imee ñnkè. 15 Kè bèe tãũ tepíítè nè meyiémmè, kè dèe do Esii ñnkè, kè bèe tãũ tepíítè nè meniímmè, kè dèe do Apitiseti ñnkè. 16 Kè bèe tãũ tepíítè nè mewéímmè, kè dèe do Petayaa ñnkè, kè bèe tãũ sipísidé kōme, kè dèe do Esekieri ñnkè. 17 Kè bèe tãũ sipísidé nè mèmáà, kè dèe do Yakinni ñnkè, kè bèe tãũ sipísidé nè medérímmè, kè dèe do Kamudi ñnkè. 18 Kè bèe tãũ sipísidé nè metáámmè, kè dèe do Dedaya ñnkè, kè bèe tãũ sipísidé nè menaammè, kè dèe do Maasia ñnkè.

19 Memòme kè bèe tūnne ti Yiè nKuyie nyIsidayeeribe tū nkù do duó nyì tié mbe yààri Anᵋ, ké bè totí yetīrè ké bè duó mbe tōmmú ti Yiè nKuyie ncīètè miéke.

Defiibe tábè kó yeyètè

20 Defiibe sãmbe bèè do kpaá be miéke bèè do ni bèe yètè tu: Amudamu kó kunaàmùnkù kè Subayeedi nkótí.

Kè Yedia kótí Subayeedi kòku miéke. 21 Kè Isia kótí Deabia kó kunaàmùnkù miéke. 22 Kè Sedomoti kótí Isia kó kunaàmùnkù kè Yaati kótí Sedomoti kó kunaàmùnkù. 23 Ebuᵋᵋ naàmùnkù miéke kè Yediyo nkótí kè Amadia ò pòkoo kè Yasēdi ntú otáánwè kè Yekamammu tu onaanwè. 24 Usiyēdi kó kunaàmùnkù miéke kè Miseen mbaké. O kó ibi miéke kè Samiidi mbaké. 25 Kè Sakarii baké Miseen

tebite Yesiya kó kunaàmùnkù. ²⁶ Kè Medadi bí ntú: Madi nè Musi nè Yaasiyau, kè bè nkótí o kó kunaàmùnkù miεke. ²⁷ Kè Medadi bire Yaasiyau bí ntú: Soammu nè Yakudi nè Ibidi kè bè nkótí o kó kunaàmùnkù. ²⁸ Madi kó kunaàmùnkù miεke kè Edeasaa kótí. Ò í mpeité initidabí. ²⁹ Kiisi naàmùnkù miεke kè Yedameyεedi mbaké. ³⁰ Kè Muusi bí ntú: Madi nè Edeε nè Yedemoti kè bè mbaké be kó kunaàmùnkù.

Defiibe bí naàmùntì kó bekótíbè mbe. ³¹ Kè bèε bè tāū tété bè dðmè be tebí Anə yaábí, ké mbè tāū kò kpààti Dafiti dè bo, nè ikuó niùbè Sadaki nè Aimmεdeki nè ikuó niùbè cēī kó bekótíbè nè bèε baké ti Yiè nKuyie ncīētè tõmmú. Bè dðmè Mpo kó teciētè ké bèε me ndə tεyāātè kpetε.

25

Kuyie ncīētè kó bedèmbè kó yetīrè

¹ Dafiti nè bèε baké Kuyie ncīētè tõmmú kè bèε cānné Asafu nè Emanni nè Yedutunni be naàmùntì kəbe, kè bè bo ndonti Kuyie nke náá kù bè benke tì, kémbie ntikùtidùùtì nè tibóbonti nè tikāpentì.

² Nte benitìbè bè do tāāté bè de kó mutõmmú kpéi mbe yètè, beε tu Asafu kó ibí: Sakuu nè Sosefu nè Netanniya nè Asadeda. Beε do tú bedèmbè, kè be cice bè ni ke donti Kuyie nke náá nkù ò benke tì ke tū Dafiti kó itié.

³ Kè Yedutunni kó ibí ntú: Kedadia nè Sedi nè Yesayaa nè Semēii nè Asabia nè Matitia bekuò. Beε do tú bedèmbè kè be cice Yedutunni bè ni ke déúkunko ti Yiè nKuyie nyètìrì ke kù donti ke náá nkù ò benke tì, ke bie nkukùtidùkù.

4 Emanni kó initidabí do tú: Bukiyau nè Matanniya nè Useedi nè Sebuyedi nè Yedimoti nè Amanniya nè Ananni nè Ediatata nè Kidaditi nè Dommameti nè Esee nè Yosebekasa nè Madoti nè Otií nè Maasioti. ⁵ Emanni bí nyi memme weè do náá nhokpàati Kuyie nhò benke ti, ke bo déúkúnne ku yètiri kunku kùù ò duó nyinitidabí tepíítè nè ìnàà nè initipobí itããti.

6 Bemou beè do tú bedèmbè ti Yiè nKuyie ncíètè miεke, ke bie ntikùtidùùti nè tibóbonti nè tikāpentí, kè be cice bè ni. Kè bè mpí nhokpàati tōmmú, Asafu nè Yedutunni nè Emanni kè bè baké. ⁷ Bemou bè do tú bèè nò mbèmbε mudèmmù mesàà ke déúkúnko ti Yiè nKuyie nyètiri, bεmbe nè be tebíí kè bè mbo sikousidé nè sipísini nè bèni (288).

8 Kè bèè tãũ tété ke bo yà bè dò nkémpí mmèè boti mutōmmú, bá bè í mbaàti bedènkótibè nè bepàmbè.

9 Nte bè do tãũ tété kédei bèè kótibè, kè bè bo nni be yètè: Kè bèè tãũ tété Asafu kó kunaàmùnkù kè dèe do Sosefu ìnkè, kè bèè yíé kètãũ kè tétéε do Kedadia ìnkè, wenwe nè o tebíí nè be bí kè bèè wènné tepíítè nè bèdébè.

10 Kè bèè tãũ metãámmè kè dèe do Sakuu ìnkè, wenwe nè o bí nè o tebíí kè bè mbo tepíítè nè bèdébè.

11 Kè bèè tãũ menaammè kè tétéε do Isidi ìnkè wenwe nè o bí nè o tebíí kè bè mbo tepíítè nè bèdébè.

12 Kè bèè tãũ menummumè kè tétéε do Netanniya ìnkè wenwe nè o bí nè o tebíí kè bè mbo tepíítè nè bèdébè.

13 Kè bèè tãũ mekuómmè kè dèe do Bukiyau ìnkè, wenwe nè o bí nè o tebíí, kè bè mbo tepíítè nè bèdébè.

14 Kè bèe tāũ meyiémmè kè tétéee do Yesadeda ñnkè wenwe nè o bí nè o tebíí, kè bè mbo tepíítè nè bèdébè.

15 Kè bèe tāũ meniímmè kè tétéee do Yesaya ñnkè wenwe nè o bí nè o tebíí, kè bè mbo tepíítè nè bèdébè.

16 Kè bèe tāũ mewéímmè kè tétéee do Matanniya ñnkè wenwe nè o bí nè o tebíí, kè bè mbo tepíítè nè bèdébè.

17 Kè bèe tāũ mepíímmè kè tétéee do Simmeii ñnkè wenwe nè o bí nè o tebíí kè bè mbo tepíítè nè bèdébè.

18 Kè bèe tāũ tepíítè nè mèmáà kè tétéee do Asadæedi ñnkè wenwe nè o bí nè o tebíí kè bè mbo tepíítè nè bèdébè.

19 Kè bèe tāũ tepíítè nè mædérímmè kè tétéee do Asabia ñnkè wenwe nè o bí nè o tebíí, kè bè mbo tepíítè nè bèdébè.

20 Kè bèe tāũ tepíítè nè metáámmè kè tétéee do Subayæedi ñnkè wenwe nè o bí nè o tebíí, kè bè mbo tepíítè nè bèdébè.

21 Kè bèe tāũ tepíítè nè menaammè kè tétéee do Matitia ñnkè wenwe nè o bí nè o tebíí kè bè mbo tepíítè nè bèdébè.

22 Kè bèe tāũ tepíítè nè menummumè kè tétéee do Yedemoti ñnkè wenwe nè o bí nè o tebíí kè bè mbo tepíítè nè bèdébè.

23 Kè bèe tāũ tepíítè nè mekuómmè kè tétéee do Ananniya ñnkè wenwe nè o bí nè o tebíí kè bè mbo tepíítè nè bèdébè.

24 Kè bèe tāũ tepíítè nè meyiémmè kè tétéee do Yosebekasaa ñnkè wenwe nè o bí nè o tebíí, kè bè mbo tepíítè nè bèdébè.

25 Kè bèe tāũ tepíítè nè meniímmè kè tétéee do Ananni ñnkè wenwe nè o bí nè o tebíí kè bè mbo tepíítè nè

bèdébè.

²⁶ Kè bèè tãũ tẽpíítè nè mẽwẽimmè kè tétée do Madoti ñnkè wenwe nè o bí nè o tebíí, kè bè mbo tẽpíítè nè bèdébè.

²⁷ Kè bèè tãũ sipísidé kãme kè tétée do Ediatãa ñnkè wenwe nè o bí nè o tebíí kè bè mbo tẽpíítè nè bèdébè.

²⁸ Kè bèè tãũ sipísidé nè mèmáà kè tétée do Otii ñnkè wenwe nè o bí nè o tebíí kè bè mbo tẽpíítè nè bèdébè.

²⁹ Kè bèè tãũ sipísidé nè mẽdérímmè kè tétée do Kidaditi ñnkè wenwe nè o bí nè o tebíí kè bè mbo tẽpíítè nè bèdébè.

³⁰ Kè bèè tãũ sipísidé nè metããmmè kè tétée do Maasioti ñnkè wenwe nè o bí nè o tebíí kè bè mbo tẽpíítè nè bèdébè.

³¹ Kè bèè tãũ sipísidé nè mẽnãammè kè tétée do Dommameti Esee ñnkè wenwe nè o bí nè o tebíí kè bè mbo tẽpíítè nè bèdébè.

26

Bèè do baà Kuyie nciētè kó yebòrè

¹ Bèè do baà Kuyie nciētè kó yebòrè bè do bè totému yẽtĩrè, Asafu bire Kodee kó debire Mẽsedemia kó ibí ì do baké Kodee kó kunaàmùnkù.

² Kè Sakarii ntú oketiwè kè Yesayeedi ntú odéríwè kè Sebadi tu otãánwè kè Yatinniyeedi tu onaanwè. ³ Kè Edammu tu onummuwè kè Yeoananni tu okuónwè kè Ediyoyennaii tu oyiénwè.

⁴⁻⁵ Kè Kuyie ndòò mēsàà Obedi-Edõmmu kòò pẽitè initidabí ìni. Semmaya nè o nẽí, Yoã nè Sakaa nè Nẽtanneyeedi nè Amiyeedi nè Isakaa nè Peudetaii.

⁶ Kè Obedi-Edõmmu kóo pò Semmaya kó ibí mbaké be naàmùnti ke yé bè tumè yekãmbò yembè mbe.

⁷ Bèè yètè tu Otinni nè Defayeedi nè Obeti nè

Edisabadi nè o neí, sù yètè do feí mesàà Ediu nè Semmasia. ⁸ Obedi Edommu kó ibí nyi memme. Bè do tú yekōmbò yembè mbe kè be kōntì yaunè be tōmmú. Bemou kè bè mbo sipísikuò nè bédébè.

⁹ Kè Mesedemia bí nè o tebí kè bè mbo benitibè tepítè nè bèni, ke tú yekōmbò yembè.

¹⁰ Kè Medadi kó kunaàmunkù kou Osaa mmàke ibí inàà Simidi weè do tú Mpo. O cice weè do ò duó nde kó difōtìrì, weè do í tú Mpo. ¹¹ Kè Idikiya nhò pòkoo kè Tebadiya tu otāánwè kè Sakarii tu onaanwè. Osaa kó kunaàmunkù kabe do tú o bí nyi, nè o tebí kè bèe wēnné kēmbò tepítè nè bētāāti.

¹² Bèè do ni bèè bàà yebòrè be kó yetīrè kabe, bemou bè do wēmmu ke pī mbe tōmmú ti Yiè nkuyie ncīètè mieke, be tebí kōme. ¹³ Bè do tāū tété nwe ke bo yà bá tèè cīètè tè dò nkēmbaà dii bōrì, bè tāū tecēdietè kè dè dōmmè bèe tāū tesámipótè kè dè mme ndò.

¹⁴ Kè bèe tāū tété ke bo yà tèè cīètè kabe yó mbaà diyie yìenì kèè bíékè kó dibòrì, kè tété do Sedemiya ñnkè, kè bèe yíé kētāū tété ke bo yà bèè yó mbaà kubakù you bíékè kó dibòrì, kè tété do o bire Sakarii ñnkè, Sakarii do tú wèè cii wēnwe ke nò nke tiè. ¹⁵ Kè bèe tāū tété ke bo yà bèè yó mbaà kubakù cānku bíékè kó dibòrì, kè tété do Obedi-Edommu ñnkè, kò bí nte ì bo mbaàmè tidiiti kó tidieti. ¹⁶ Kè bèe tāū tété ke bo yà bèè yó mbaà diyie taà kèè bíékè kó dibòrì nè dibòrì bè tu di Sadiketi, kè di pèkénè ditenni kó kuce. Kè tété do Supimmu nè Osaa be ñnkè kè bèe yè mbè toté.

Bá dii tñnì kè di mbaà ke wetí diterì. ¹⁷ Kè Defiibe ní mbaà diyie taà kèè bíékè kó dibòrì bèkuò bèkuò ke feimmu betòbè, bá dii yiè kè bènàà ní mbaà

kubakù yóu bíékè kó dibòrì ke feimmu betòbè. Kè bènàà ní mbaà kubakù cǎnku bíékè kó dibòrì bènàà bènàà ke feimmu betòbè bá dii yiè. Kè bédébè bédébè mbaà tidiiti ā tìi dieti kó yebòrè ke feimmu betòbè. ¹⁸ Bè maá kùu dieku ke kpeénnè Kuyie ncǐètè tē ìkè, Defiibe beè do tē bàà, bènàà kuce bíékè, bédébè tē mièke.

¹⁹ Kodee nè Mèdadi be kó tinaàmùntì kòbe kó yēfirè nye yèè do baà yebòrè.

Defiibe tòbè do pī mmuù tōmmú

²⁰ Kè be tebíi Defiibe tòbè kó mutōmmú ntú bè bo mbaàmè Kuyie ncǐètè kó tikpàti nè ikuó nenti.

²¹ Kè Kerisonni kó kunaàmùnkù kou Daedanni birè Yeyeedi weè mbaké be kó sicéí. ²² Yeyeedi nè Setammu nè be tebite Sowēeri beè kó ibí do te ì bo mbaàmè Kuyie ncǐètè kó tikpàti. ²³ Amudamu nè Isaa nè Ebunəwə nè Usiyeedi be yaábí múnke do pī mmuù tōmmú. ²⁴ Məyiisi birè Kerisonni kó dəbire Sebayeedi weè do baké bèè bàà Kuyie ncǐètè kpàti. ²⁵ Kè Məyiisi birè terè Ediesee peité Deabia kè Deabiaa peité Yesaya kè Yesayaa peité Yodammu kè Yodammuu peité Sikidi, kè Sikidii peité Sedoməti. ²⁶ Sedoməti nè o tebíi beè do te bè bo ndakemè okpààti Dafiti nè sicéí kó bekótíbè nè kùmàndáàbè bèè baké behǎǎpòmbè sikəupí nè sikəu nè behǎǎpònkótíbè tòbè bè do cǎnné dè Kuyie nkpéí. ²⁷ Bè do dokému ké dè éí ké dè duó ti Yiè nKuyie kè bè bo ntūnninè ku cǐètè. ²⁸ Kuyie mpǎǎnǎantì náantò Sammuyēeri nè Kiisi birè Sauri nè Nee birè Abunee nè Seduya birè Soabu bè do cǎnné dè Kuyie nkpéí. Sedomii nè o tebíi beè do dè bàà deməu memme.

²⁹ Iseyari yaàbire Kenania nè o bí, kè bè tõmmú ntú bè bo nwãũmè dihei kó yepáte ke bekù benìtibè bè touní tì.

³⁰ Ebunəo bire Asabia nè o tebií tekoupiítè nè sikousiyiekè (1700) beməu bè do tú yekōmbò yembè mbe, kè be tõmmú ntú bè bo ndakemè ti Yiè nkuyie ntõmmú kpéi nnè okpààti kōmu kpéi, ny-Isidayeeribe tempē Suditēē diyie taà kèè bíékè. ³¹ Kè Yedeya weè mbaké Ebunəo kó kunaàmunkù, Dafiti kpàti benni sipísìnàà kperi mieke kè bèe fié be naàmunkù mieke kénsó nyekōmbò yembè bèe bo Yasēe ei dìi bo Kadaadi tempē. ³² Yediyaa tebií do nsi kè bè ntú yekōmbò yembè ke kótí be cēí, kè bè mbo sikoupiísidé nè sikousiyiekè (2700) kè okpààti Dafitii bè baá nkè bè mbaké Dubenni kəbe nè Kadi kəbe nè Manansee kó kuwuə ndikèè kəbe, ke dake ti Yiè nkuyie ntõmmú kpéi nè okpààti kōmu kpéi.

27

Bè bàatimè behāāpəntīrè bèè yó mpī nhokpààti tõmmú

¹ Kè bèe bate Isidayeeribe bè màmè. Bè cēí kó bekótibè nè behāāpənkótibè bèè baké behāāpəmbè sikoupií nè sikou nè bepátíwāābè kè bè bo mpī nhokpààti tõmmú kè be kó mutõmmú ntú bè bo nnimè yetīrè yèè bo mpī mmutõmmú. Bá dìi tīnni otànkù ké me nhō ndibenni diməu ke feimmu betəbè. Bá dìi tīnni kè benìtibè mbo sikoupiísidé nè sikoupiísìnàà (24000).

² Kè Sabudiyēedi bire Yasobeammu nni ditīnni ketirì dìi do te otànkù ketiwè, kè bè mbo benìtibè sikoupiísidé nè sikoupiísìnàà (24000).

3 Ò do tú Pedesi naàmùnkù kou nwe kémbaké behããpònkótibè otànkù ketiwè kàbe.

4 Kè Ahoa èi kou Dodaii kó ditĩnni ntú otànkù dèrínwè kàbe kè bè mbo benìtibè sikòupíísidé nè sikòupíísìnàà (24000) kè Mikudoti nhò pòkoo.

5 Kè dihããpòntĩnni tããnni ntú otànkù tããnwè kàbe, kè ikuú niùti dièwè Yoyada bire Bennaya mbaké de kó benìtibè sikòupíísidé nè sikòupíísìnàà (24000).

6 De kóo Bennaya do tú okpàrìnuònti nwe bekpàrìnuòmbè sipísitàãti tĩnni mieke. Kòo bire Amisabadi bo o kó ditĩnni mieke.

7 Kè dihããpòntĩnni naanni ntú otànkù naanwè kàbe kè Soabu nantè Asayeedi nè o bire Sebadia mbè baké, kè bè mbo benìtibè sikòupíísidé nè sikòupíísìnàà (24000).

8 Kè dihããpòntĩnni nummuri ntú otànkù nummuwè kperi kè bè mbo benìtibè sikòupíísidé nè sikòupíísìnàà (24000) kè Isidaa naàmùnkù kou Samuti mbè baké.

9 Kè dihããpòntĩnni kuónni ntú otããkuónwè kperi kè bè mbo benìtibè sikòupíísidé nè sikòupíísìnàà (24000) kè Tekoa èi kou Ikési bire Idaa mbè baké.

10 Kè dihããpòntĩnni yiènni ntú otããyiénwè kperi, kè bè mbo benìtibè sikòupíísidé nè sikòupíísìnàà (24000), kè Efadaimmu kó kuwuò nkou Edesi wèè bo Padonni èi kòò mbè baké.

11 Kè dihããpòntĩnni niínni ntú otããniínwè kperi kè bè mbo benìtibè sikòupíísidé nè sikòupíísìnàà (24000). Kè Sedaa naàmùnkù kou Sebakaii wèè bo Usaa èi kòò mbè baké.

12 Kè dihããpòntĩnni wéínni ntú otããwéínwè kperi kè bè mbo benìtibè sikòupíísidé nè sikòupíísìnàà (24000). Kè Bensamèe kó kuwuò nkou Abiesèe wèè

bo Annatǝti èi kòò mbè baké.

¹³ Kè dihǎǎpǝntǝnni pínni ntú otǎǎpíínwè kperi kè bè mbo benìtibè sikǝupíísidé nè sikǝupíísìnàà (24000). Kè Sedaa naàmùnkù kou Madaii Netofaa èi kou mbè baké.

¹⁴ Kè dihǎǎpǝntǝnni tǝpíítè nè òmáà ntú otǎnkù tǝpíítè nè omáà kperi kè bè mbo benìtibè sikǝupíísidé nè sikǝupíísìnàà (24000). Kè Efadaimmu kó kuwǝ nkou Bennaya Pidatonni èi kou mbè baké.

¹⁵ Kè dihǎǎpǝntǝnni tǝpíítè nè didéri ntú otǎnkù tǝpíítè nè odériwè kperi, kè bè mbo benìtibè sikǝupíísidé nè sikǝupíísìnàà (24000). Kè Otinniyǝedi naàmùnkù kou Netofaa èi kou Edidaii mbè baké.

Bè bàtemè Isidayǝeribe wuǝ nkó bekótíibè

¹⁶ Nte bèè do baké Isidayǝeribe wuǝ:

Sikidi bire Ediesǝ weè do baké Dubenni kó kuwǝ, kè Maaka bire Sefatia baké Simmeǝǝ kǝku.

¹⁷ Kè Kemmuǝedi bire Asabia baké Defiibe kó kuwǝ, kè Sadǝki baké Anǝ kǝku.

¹⁸ Kè Dafiti tebite Ediuu mbaké Sudaa kó kuwǝ, kè Mikayǝeri bire Omidi baké Isakaa kó kuwǝ.

¹⁹ Sabunǝ kó kunaàmùnkù kǝbe, kè Abudiasi bire Semmaya mbaké, Nefutadii kó kunaàmùnkù, kè Asidiǝedi bire Yedemǝti mbè baké.

²⁰ Efadaimmu kó kunaàmùnkù, kè Asadia bire Osea mbè baké, kè Pedaya bire Sowǝeri mbaké Manansee kó kuwǝ ndikéè kǝbe bèè bo diyìè taà kèè bíékè.

²¹ Kè Manansee kó kuwǝ ndikéè kǝbe bèè bo Kadaadi diyìè yièni kèè bíékè,

kè Sakarii birɛ Ido mbè baké Bɛnsamɛɛ kó kuwu nkɔbɛ,
 kè Abunɛɛ birɛ Yasiɛdi mbè baké.
 22 Danni kó kuwu nkɔbɛ, kè Yedoammu birɛ
 Asadɛɛdi mbè baké. Bɛ̀̀ do tú bɛ̀̀ baké Isidayɛɛribɛ
 kó iwuɔ.

23 Dafiti do í kàa mbedapàmbè bɛ̀̀ m̀̀ke yɛbie
 nsipísidé kɛ́ntɔ kɛ́cutinko, ke yé ti Yiè nKuyie
 ndo nàkémè ke d̀̀, kù yóó duó nkè Isidayɛɛribɛɛ
 sũũ nsiwãã dòmmè kɛ́nkè. 24 Sedua birɛ Soabu
 do ketému bɛ kàmmù, ò me nyí mpũɔ, ke yé ti
 Yiè nKuyie mmieke do yèmè Isidayɛɛribɛ dɛ kó
 mukàmmù kpéí, dɛ̀̀ te kè bè í wàri bè m̀̀mè okpààti
 Dafiti d̀̀̀̀rìmè pátiri mieke.

Bè̀̀ do dake tekpààticĩ̀̀̀tè kó tinenti kpéí

25 Adiyɛɛdi birɛ Asimafeti wè̀ do te ò bo ndakemè
 tikpàti tii bo tekpààticĩ̀̀̀tè mieke ti kpéí.

Kè Osiasi birɛ te dè bo ndakemè dihèi dimɔu,
 yehékè diɛyè nè yesám̀̀p̀̀yè, nè yehããp̀̀nkarè kó
 yebuɔ kpéí.

26 Kè Kedubu birɛ Esidi te ò bo ndakemè bɛ̀̀ tu
 betenkútibè bɛ èi mieke bɛ kpéí.

27 Kè Simèii Damaa èi kou nte ò bo ndakemè fínyĩ
 kó dɛpaa nkpeí.

Kè Sabudi nte ò bo ndakemè mɛnaà mbè kù̀̀tìmè
 nè fínyĩ kó yɛbɛ mɛ kó tidieti kpéí.

28 Kè Baadi-Ananni Bɛti-Kedɛɛdi èi kou te ò
 bo ndakemè odifìè kó dɛtie nnè dɛtie mbè tu dè
 sikomóò kè dè yìè Mɛditedandee kó kubiriku dɛ
 kpéí.

Kè Yoasi te ò bo ndakemè mekùò nkó tidieti kpéí.
 29 Kè Sitadayii Sadonni èi kou ndake bèè cẽmmù inààke Sadonni be kpéí.

Kè Adidayii bire Safati nte ò bo ndakemè iwũõ cẽmbe bèè bo kubiriku bíékè be kpéí.

30 Kè Isimayεeribe botí kou Obidi nte ò bo ndakemè yòyóbè kpéí.

Kè Yedia Medonoti èi kou nte ò bo ndakemè sãmarímúbè kpéí.

31 Kè Yasisi Akiditi èi kou nte ò bo ndakemè ipe nè sibóó de kpéí.

Bembε kó dimàà do tú bèè dàke bèmbe okpààti Dafiti kperε kpéí.

Bèè do orí okpààti Dafiti

32 Kè Sonnatã Dafiti yõ tãũ, onitì meciì mpiéké wè mesàà nkòò yé meciì, kòò ntú wèè duò nhokpààti itié. Kè Yeyεedi Akimõnniibe botí kou m̀òu kó debire te ò bo nduómme okpààti bí itié. 33 Kè Aitofεedi ntú wèè múnke duó nhokpààti itié, nke Usaii Adikiti èi kou ntú okpààti népo. 34 Aitofεedi kó difõnkúò, kè Bennaya bire Yoyadaa bè cõté wenwe nè Abiataa. Kè Soabu weè ntú wèè baké behããpòmbè okpààti kòbe.

28

Dafiti duómme itié nSadoməò kòo bo maá Kuyie nçlètè

1 Kè Dafitii tí nyIsidayεeribe kó bekótíbè bemou Sedisademmu. Bèè baké be wuə nnè bèè baké bèè bàà okpààti be kó yetĩrè nè bèè baké behããpòmbè sikouípí nè sikou nè bèè bàà o kpàti ò m̀ake tì. Nè bèè dàke wenwe okpààti nè o bí be wũõ kpéí

nè bè fõmmu bè kè bè tu tekpààticfètè kó bekótíbè nè bekpààrinuambè nè benitimómambè. ² Kòo kpààtìi íté kécómmú kébéi nke dò: n tebíi nè n nìtibè kémúnè n tú mù: N yèmmè mèè n duó nke dò m maá ti Yiè nKuyie ntecfètè ku taummè tau yó mborè, nè kunku ti Yiè nKuyie nti tũ nkù naàcètè yó nna dè, kè nní mbaati ke bo tè maá. ³ Kè Kuyie nné n nàké ke tú m báá kù maá tecfètè ku yètìrì yó nyu dè, ke yé n dokémè ke còu mmenitiyí. ⁴ Ti Yiè nKuyie nyIsidayeeribe tũ nkù kuù n tãátè n cice cfètè mièke kè m bo ntú Isidayeeribe kóo kpààti sáà. Kuù do tãátè Sudaa kó kuwuò kè kù bo mbè ni, Sudaa kó kuwuò mmièke ke tãátè n cice cfètè, n cice cfètè mièke ke n tãátè kè m bo mbaké Isidayeeribe. ⁵ Ti Yiè nKuyie nni nduó nyibí péu nwe, de kó ibí mièke ke tãátè m bire Sadomòò kòò bo kari dikpààtikàrì kèmbaké Isidayeeribe bèè tu Kuyie nkó dikpààtiyuu. ⁶ Kù n nàkému ke tú m bire Sadomòò weè yóó kù maá tecfètè nè te dantì, ke yé kù we ntãátémè kòò tu ku bire, kè kù tu o cice. ⁷ Kù bo fíi nho kpàti kè tì mbo sáà, kè nsà kòò tũ nku tié nnè ku tannò ò dè tũmmè yíe. ⁸ Ti cómmú Isidayeeribe ti Yiè nKuyie nkó benìtibè ìikè nke kè Kuyie nti tũ nkù bo ke ti kémú. Tũnnenè weti weti ti Yiè nKuyie nti tũ nkù kuó imòu, kè dèè yie nkè di tieke diheì sààrì kè di bí ndi sàké sáà.

⁹ Fá m bire Sadomòò nyé Kuyie nha cice tũ nkù, kèmpí nku tõmmú nè meyèmmè mèmáà, ké kù duó nha yèmmè mèmòu. Ke yé ti Yiè nKuyie kuù wèimè benìtibè mièke dòmmè nè be dó kédòò tì nè be yentotí imòu. Kàa kù wanti kù bo da benke kumáà, kàa me

nkù bùtínné kù da dootóo sáà. ¹⁰ A nyé ke dò nti Yiè nKuyie nkuù da tãáté kàa bo kù maá tɛcǐtètè kù yó nte tè. Yáúkùnnè a kǎnti kǎpǐ mmutōmmú.

Dafiti benkemè Sodomō ò yóo maá Kuyie ncǐtètè kè tè ndōmmè

¹¹ Kè Dafitii benke o bire Sodomō ò yóo maá Kuyie ncǐtètè kè tè ndōmmè. De fūð kó kukpánkpánkù nè tidieti, nè ku cǐtètè kó tikpàti yó mborè, nè tidieti tii mùmmu nè de mieke kpeti, nè metaummè tɔu yó mborè. ¹² Kòo ò nàkénè o yèmmè do dò nwèè maá ti Yiè nKuyie ncǐtètè kè tè ndōmmè, ti Yiè nKuyie ncǐtètè kó kucuudànkù nè tidieti tii tè fité, nè ku cǐtètè kpàti yó mborè, nè tinenti bè kù pãã ntí yó mborè. ¹³ Kòo ò benke ikuó niùbè nè Defiibe be tǐrè yó ndōmmè nè bè yó mpǐ mmùù tōmmú ti Yiè nKuyie ncǐtètè mieke. Nè tinenti timɔu tii dò nkémpǐnnè ti Yiè nKuyie ncǐtètè tōmmú. ¹⁴ Kòo ò nàké bá kùù nenkù ò dò nkébenné mesɔɔ nkè mè mmamè kòo kù dǎdǎnè, kòo nàké ò dò nkébenné timátì péitì kè tì mmamè kòo kù dǎdǎnè tinenti, kòo nàké bá kùù nenkù ku tōmmú yó ntú mù. ¹⁵ Ke me ndɔdɔnè sisɔɔfitíkèkèè nè sì kó isɔɔfitíi, ke me ndɔdɔ timátì péitì kó sifitíkèkèè nè sì kó ifitíi, kǎntū mbá kùù nenkù dò nkémpǐnnè mùù tōmmú. ¹⁶ Kòo ò nàkénè mesɔɔ nkóo tábùrì bè yó ndakù wè pǎè bè pãã nwè Kuyie nkó mesɔɔ nkó kucéékù yó mmamè, nè timátì péitì kó tábùrì kó timátì kó kucéékù yó mmamè. ¹⁷ Kòo ò nàkénè simátipeé yenii nkpesi nè yebɔ nè ibòòke, demɔu kè dè ntú mesɔɔ nsàdámè máà, nè mesɔɔ nkó ibòòke nè timátì péitì kpeyi, bá

dè nè de cĕĕkù yó mmamè. ¹⁸ Kòo ò nàkénè bè yó maá dihúúntànni kè dì ñdòmmè, nè mesəə nsààmè mĕè yóó dè dònè me cĕĕkù dò nkémmàmè. Nè tenaasāntè dò nkéndòmmè, nè mesəə mmĕè yóó dònè beĩnkembàribè bèè fièti díéké ti Yiè nKuyie ntaummè tou me cĕĕkù dò nkémmàmè. ¹⁹ Kè Dafiti béi nke dò: Ti Yiè nKuyie nkuù wāri n do nkémaá ku cĕĕtè kè tè ndòmmè nè n dò nképĩ mmùù tōmmú, ke m benke kè n dè yĭĕtĕ.

²⁰ Kè Dafitii náké o bire Sodoməə ke dò: Tĕĩ nkéyáúkunnè a kǎnti, ke pĩ mmutōmmú. A bá ndé, kufōwáá bá nda bo ke yĕ n Yiè nKuyie n tū nkù yó nda bonèmè. Kù í yóó da yóu, kù báá da bútinné nè ti Yiè nKuyie ncĕĕtè kó mutōmmú bo deèmè. ²¹ Sodoməə a bá ndé ikuó nùbè nè Defiibe bè bomu be kó mutōmmú kpéi, benitibè bèè duó mbe máá de kó mutōmmú kpéi, ke yĕ be tōmmú, bè da bonèmu. Isidayeεribe kó bekótibè nè Isidayeεribe beməu bè yó ntūmmu a bè nàá ntì.

29

Isidayeεribe pāmmúmè be yèmmè kó yepārè Kuyie ncĕĕtè kó mumarimù kpéi

¹ Kòo kpààti Dafitii náké ditĕnni diməu ke dò: M bire Sodoməə nwe ti Yiè nKuyie ntāātémè kòò né kpaá bennè de kó mutōmmú. De kó mutōmmú me ndeumu ke yĕ de kó tēcĕĕtè í tùmè oniti kpete, ti Yiè nKuyie nkpete nte. ² Nè n wĕrímú muməu ndi m bàátímè Kuyie ncĕĕtè kó mumarimù kpéi, ke wáá mmesəə ndĕè dò nkédəəndè mesəə nde kpéi timáti péiti dĕè dò nkédəəndè timáti péiti de kpéi, disəəwũð

dèè dò nkédòòndè disòòwũḏ de kpéí, timátì dèè dò nkédòòndè timátì de kpéí, ideí dèè dò nkédòòndè ideí de kpéí, yetásààyè dèè dò nkédòòndè yetásààyè de kpéí nè yeteyè yèè yóó dari imarí nè yetásòùyè nè meòrìmè mebotí mebotí kpeye yèè donku kpeñni nè yetárè yèè dò ndoii péu. ³ N dó mèè kpéí nti Yiè nKuyie ncíètèe maá, m bo duó mmesòò nnè timátì péítì, m mómumuò m màke dè Kuyie n tũ nkù cīètè kpéí, ké né yiénè n waá dè ku cīètè marimù kpéí. ⁴ M bo duó mmesòò mmèè yènní Ofii tempē nkè me cēékù mbo tónnì tekòùtè (100), timátì péítì bè pũñné tì kè ti wénkũnne tónnì sikòusidé (200) kè bè bo dari Kuyie ncíètè. ⁵ N duómumu mesòò nnè timátì péítì kè beyántibè bo dòòndè mesòò ndèè dò nkédòòndè mesòò, timátì péítì dèè dò nkédòòndè timátì péítì. Díndi, di mièke we nyèmmè ò pā ke dò nwèe pā o yèmmè dómè yíe.

⁶ Kè Isidayeeribe botí kó bekótíbè nè be cēí kó bekótíbè nè bèè pī nhokpààtì tõmmú nè bèè baké behāāpòmbè sikòupí nè sikòu kè bèe pā be yèmmè kó yepārè. ⁷ Kuyie ncíètè kó mutõmmú kpéí mesòò ntónnì tekòùtè nè sipísìyiekè (170) nè mesòò nkó medítìbii ntekòupííítè (1000), timátì péítì tónnì sikòusitàāti (300) nè disòòwũḏ tónnì sikòusikuò (600), timátì tónnì sikòupísitàāti (3000). ⁸ Kè di túóté dèè kó dimàà tu yetásààyè ké dè duó nKerisõõ kunaàmùnkù kou Yeyeedi, kòò yè ànné ti Yiè nKuyie ncíètè kó tikpàtì borè. ⁹ Kè diwèi mbo Isidayeeribe bemòu be yèmmè kó yepārè bè pā yè kpéí, ke yé bè do yè pāmè nè be yèmmè memòu ndi be Yiè nKuyie

ncfētè kpéí. Kè diwèlì dierì pĩ nhokpààti Dafiti.

Dafiti sântemè Kuyie

¹⁰ Kè Dafitii sântè ti Yiè nKuyie nyIsidayεεribε βεμου ìikè, ke dò: A yètìrì δευμου sǎǎ, fǎ nti Yiè nKuyie nSakøbu do tũ nkù. ¹¹ Fǎ nti Yiè nKuyie nha δευμου ke kpeñni ke wenni mediè nke bo sǎǎ nke tú tikpeti timou yiè, ke yé dèè kó dimàà bo keñkè nè ketenkè fǎ dè temè. ¹² Tikpàti nè tikpeti bonni a borè nde, fǎ baké δεμου, fǎ kpeñni, ke mæke muwërimú, fǎ ð déúkunnε a dó wè kente koò kpenke. ¹³ Dεε kpéí nte fǎ nKuyie nti tũ nkù kè ti da sánti, ke déúkunko a yetidierì. ¹⁴ N yí tú òmou, n kabe me nyí tú bèmabè, dè í tú nè ti mómmεbe kó muwërimú mmu ti da pǎammè ti yèmmè kó yepǎrè, δεμου dè bonni a borè nde ti da pǎā ndè tu a nou kperε nde. ¹⁵ Ke yé ti tú mè βepòðbè mbe a ìikè, ti yóó pǎētému ti yembè yīmè, ti we die nketenkè ñkè yè pǎnkù medéè ndòmmè mme. Ti báá na kényí ti fòmmu kó yewe. ¹⁶ Ti Yiè nKuyie nti tũ nkù ti tímmu dèè kó dimàà dò nkémaánè a cǎētè ti yó ndéúkunko tèè miεke a yetisàari δεμου dè tu a nòutè kperε nde, fǎ dè te. ¹⁷ Áú! Ti Yiè nKuyie n tũ nkù n yému ke dò nha wúó nhoniti yèmmè, a dó wèè yèmmè wenni wènwε, m me nda pǎnè meyenwennime mme yepǎrè yiε nkó dimàà, kàa wúó nha nitibè bèè bo die mbè da pāmè be yèmmè kó yepǎrè nè diwèlì. ¹⁸ Ti Yiè nKuyie ti yembè Abarahammu nè Isaki nè Sakøbu bè do tũ nkù, yóu kàa nitibè mmæke de kó iyentotí botí kémbο a bíkè sǎǎ. ¹⁹ Duó m bire Sadoμø meyèmmè mèmáà kòo

tūnne a tannò, nè a tié nnè a kuó. Kè dèe yie nkòo maá a cīētè n waá nтинenti tēè kpéí.

²⁰ Kè Dafitii béinnè ditīnni ke dò: Déúkūnne ti Yiè nKuyie nyètìrì.

Kè ditīnni diməu déúkūnne ti Yiè nKuyie mbe yembè do tū nkù, ke sīnnóó kékōnke ti Yiè nKuyie nyìkè nè okpààti ìkè.

Sadoməo dimè tikpàti

²¹ Kè dèe wenté kè bèe fíé ti Yiè nKuyie nyiwūš ìi yóó tuə: Nyenaadakè tekəupíítè (1000), yepedakè tekəupíítè (1000), nè metaummè kpəyi tekəupíítè (1000) nè menàà mbè yóó yəəre mè kétuə, kēfíénè iwūš tēi péu, Isidayeeriβe bəməu yóó di ì. ²² De yìè kè bèe di káyà ti Yiè nKuyie nyìkè, kè diwèi diērì mbè bo. Kè bèe wēte kēpīēkē Dafiti bire Sadoməo weè tumè okpààti, kòò còú mmekùò, nkòò bo mbaké. Ke me ndəò Sadəki kòò bo ntú ikuó nìùti. ²³ Kè Sadoməo səəté o cice Dafiti kpààtikàrì ti Yiè nKuyie nhò duó ndì, kè tikpàtìi ò yie nkè Isidayeeriβe bəməu nyíe nhò yē mmù. ²⁴ Kè behāāpòmbè iwēi yembè nè yekōmbò yembè, nè okpààti Dafiti bí tēi iməu kè bè mbuó Sadoməo. ²⁵ Kè ti Yiè nKuyie ndéúkūnne Sadoməo Isidayeeriβe bəməu ìkè. Kòò kpàtìi deuke kēpēēté bèè ò nìiténè ke di tikpàti.

²⁶ Seseē bire Dafiti do baké Isidayeeriβe bəməu ndi. ²⁷ Ò do bè baké yēbie nsipísìnàà ndi, kēmbò Ebunəo ke dò yēbie nyèyiekè, Sedisadəmmu yēbie nsipísitàāti nè yētāāti. ²⁸ Dafiti do məkemu tikpàti kòò yètìrì feí, kòò kóté mesàà nkétuəke o mənñi kékúnè kunaatí, kòò bire Sadoməo səəté o kpàtì.

29 Okpààti Dafiti tōmmú ò mù ketémè nè ò mù dèèmè dè wārimu Kuyie mpāñnāànti náaàntò Sammuyeyeri pátiri miεε nè Kuyie mpāñnāànti náam̀bè Natāā nè Kadi be kpεye* miεε. 30 De kó yepáte yeè náá nhò do tò mèè botí tikpàti nè o wērímú do deυ mèè botí nè tii do ò tùòkení, nè tii do tùòkení Isidayeyiribe, nè yehékè teyè kó yekpààtiyo yemou miεε.

* **29:29** Natāā nè Kadi be kó yepáte: Bè náá mbe kó yepáte yeè kpéi die nyè fetimu. Bè náá mbèè kpéi 1, 2 Sammuyeyeri kó yepáte miεε.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16